

東醫西寶鑑

卷十七

5805

訂正東醫寶鑑雜病類編卷之五

夫... 二... 三... 四... 五... 六... 七... 八... 九... 十... 十一... 十二... 十三... 十四... 十五... 十六... 十七... 十八... 十九... 二十... 二十一... 二十二... 二十三... 二十四... 二十五... 二十六... 二十七... 二十八... 二十九... 三十... 三十一... 三十二... 三十三... 三十四... 三十五... 三十六... 三十七... 三十八... 三十九... 四十... 四十一... 四十二... 四十三... 四十四... 四十五... 四十六... 四十七... 四十八... 四十九... 五十... 五十一... 五十二... 五十三... 五十四... 五十五... 五十六... 五十七... 五十八... 五十九... 六十... 六十一... 六十二... 六十三... 六十四... 六十五... 六十六... 六十七... 六十八... 六十九... 七十... 七十一... 七十二... 七十三... 七十四... 七十五... 七十六... 七十七... 七十八... 七十九... 八十... 八十一... 八十二... 八十三... 八十四... 八十五... 八十六... 八十七... 八十八... 八十九... 九十... 九十一... 九十二... 九十三... 九十四... 九十五... 九十六... 九十七... 九十八... 九十九... 一百...

訂正東醫寶鑑雜病篇卷之五

御醫忠勤貞亮扈聖功臣崇祿大夫陽平君

臣許浚奉教撰

霍亂

霍亂之因

內經曰土鬱之發民病嘔吐霍亂吐下又曰歲土不及大陰所至為中滿霍亂吐下又曰歲土不及

風乃大行民病殄泄霍亂體重腹痛筋骨搖併

霍亂之病皆因飲食非關鬼邪千金內有所積

外有所感陽不升陰不降乖隔而成非因鬼邪皆

飲食所致此先哲確論也丹心霍亂者揮霍變

亂也凡人內素有鬱熱外又感寒一時陰陽錯亂

然病本因飲食失節生冷過度以致溼熱內甚中

焦失運不能升降是以吐下瀉入門霍亂或

因飲冷或胃寒或失飢或大怒或乘舟車傷動胃

氣令人吐瀉併作用藥遲緩須臾不救華佗霍

亂多責於熱故夏秋為盛入門霍亂之病由風

溼暘三氣之合成也風者肝木也溼者脾土也暘者心火也肝主筋故風急甚則轉筋也吐者暘也心火炎上故嘔吐也泄者脾土也脾溼下流故泄瀉也啟玄子曰皆脾熱所生也斯言為正子和

霍亂形證

霍亂證心腹卒痛嘔吐下利憎寒壯熱頭痛眩暈先心痛則先吐先腹痛則先利心腹俱

痛吐利並作甚則轉筋入腹即死正傳○三焦為

水穀之道路邪在上焦則吐而不利邪在下焦則

利而不吐邪在中焦則吐利並作病因飲食不節

清濁相干陰陽乖隔輕者只曰吐利重者揮霍變

亂乃曰霍亂因邪入脾胃故發為吐利入門○霍

亂一證夏秋為多寒月亦有之蓋有伏暑而作入

門○人之藏府冷熱不調或飲食不節生冷過多

或起居失宜露臥當風使風冷之氣歸於三焦傳

於脾胃脾胃得冷不能消化水穀致令真邪相干

飲食變亂於腸胃之間心腹疼痛發作吐利有心

痛而先吐者有腹痛而先利者有吐利俱發者有

發熱頭痛體疼而復吐利虛煩者或但吐利心腹

脉法

刺痛者或轉筋拘急疼痛者或但嘔而無物出者
或四肢逆冷煩悶昏塞而欲死者隨證治之得效
霍亂脉浮洪可救脉微遲而不語氣少則難差得
效。脉多伏或絕丹心。脉代者霍亂代而亂者

亦霍亂又關脉滑為霍亂吐瀉又滑而不勻必是
霍亂吐瀉之候脉代勿訝醫鑿。滑數為嘔代者

霍亂微滑者生澀數凶斷脉訣。脉微而澁或代
而散或隱而伏或大而虛或結或促或代皆不可

斷以死脉亂故也正傳。脉浮大劉宗素。而洪可救微弱而遲難救正傳

霍亂有乾有溼

此病有乾霍亂溼霍亂乾霍亂死者多
溼霍亂死者少蓋吐利則所傷之物得

以泄出雖甚重胃中水穀泄盡則止矣所以死者
少也乾霍亂死者多者以其上不得吐下不得利

則所傷之物不得出泄壅閉正氣隔明理。絕陰陽煩擾悶躁喘脹而死矣本下

乾霍亂治法

吐利不得謂之乾霍亂。乾霍亂者忽然
心腹脹滿刺痛狀若神靈所附吐利不得

東坡先生醫鑑卷之五

二

頃刻之間便致悶絕急用鹽湯吐之續以理中湯
方見寒門倍加橘紅與之或藿香正氣散
方見寒

門加官桂赤茯苓枳殼木瓜煎服或吞下蘇合香
丸尤妙得效。乾霍亂最難治死在須臾升降不

通故也當先吐以提其氣之橫格不可用涼藥宜
二陳湯方見痰門加解散藥川芎蒼朮防風白芷

之類兼用薑鹽湯丹心。絞腸沙者乃乾霍亂一
名也腹痛不可忍或手足厥冷乃腸胃絞縮在腹

也急用鹽湯吐之入門。乾霍亂者氣痞於中吐
利不得所傷之物壅閉正氣關格陰陽煩躁喘脹

者必死急用吐法鍼委中穴名出血兼服治
中湯方見寒門或藿香正氣散必效入門

薑鹽湯

色變以童尿二盞同煎至一盞分二次服
乾霍亂欲死鹽一兩生薑切半兩右同炒

溼霍亂治法

上吐下瀉謂之溼霍亂。凡霍亂吐瀉渴
為熱不渴為寒海藏。熱多欲飲水宜五

苓散寒多不飲水宜理中湯二方並見寒。霍亂
乃溼熱兼風木為害治宜散風寒利溼降火四時

通用藿香正氣散 方見寒門 寒月虛冷用理中湯

方見寒門 暑月煩渴宜黃連香薷散 方見暑門 俱

宜合五苓散 方見寒門 以分消上下更合益元散

方見暑門 降火尤妙 人門 ○霍亂吐瀉宜用木萆

散二香黃連散加味薑附湯回生散加減正氣散

○中暑霍亂宜香薷散桂苓白朮散 二方並見暑門

○吐瀉過多四肢逆冷不省人事南星末三錢棗

三枚薑五片煎極熱服一服可效或半夏末薑汁

點服或白礬末一大錢

沸湯點服亦效 得效

木萆散 治霍亂吐瀉肢體轉筋逆冷木瓜吳茱萸食

藥同煎至二升冷煖任意服即效 ○如無前藥枯

白礬末一錢沸湯調服如無白礬只用鹽一捻醋

一盞同煎服或鹽梅鹹

酸等物皆可煮服 入門

二香黃連散

治伏暑霍亂腹痛躁悶脈沉手足冷藿香厚朴半夏赤茯苓陳皮白扁豆香薷

各一錢黃連澤瀉各八分甘艸三分右
剉作一貼水煎入薑汁一匙溫服

入門

加味薑附湯

治霍亂吐瀉過多手足逆冷氣少不語
六脈沉伏附子炮乾薑炮人參各一錢

半甘艸炙七分右剉作一貼水煎
服得效

一名四順附子湯 直指

回生散

治霍亂吐瀉過多但一點胃氣存者服之回
生藿香陳皮各五錢右剉作一貼水煎溫服

入門

加減正氣散

異鄉人初到他方不伏水土遂成霍亂
或吐或瀉蒼朮二錢藿香厚朴陳皮縮

砂研香附半夏甘艸各一錢右剉作一貼
入薑三片棗二枚燈心一團水煎服

回春

香薷散

治中暑霍亂吐瀉腹痛轉筋四肢逆冷急
煎此藥沉冷服之他藥不能

方見暑門

益元散

一名六一散治霍亂吐瀉取此
藥生薑湯調下妙

方見暑門

霍亂後轉筋

陽明屬胃與大腸以養宗筋暴吐暴瀉津液驟亡宗筋失其所養故輕者兩腳轉筋

而已重者遍體轉筋入腹手足厥冷危甚風燭矣倉卒之際以鹽填臍中灼艾不計壯數雖已久而

胃中有煖氣者立甦急用木萸散方見上加茴香

甘州紫蘇葉煎服再研大蒜塗兩腳掌心則雖昏

危入腹者亦效入門○霍亂吐瀉過多遍體轉筋

手足厥冷氣欲絕者急灸臍中又取蓼一把煎湯

泡洗次投附子理中湯方見寒門即效綱目○霍

亂後轉筋理中湯方見寒門加石骨一兩煎服海

藏○一法理中湯去白朮加生附子一箇活人○

轉筋屬血熱四物湯方見血門加酒苓酒花蒼朮

南星煎服丹心○吐瀉脇痛轉筋脉弦者木克土

也平胃散方見內傷加木瓜五錢煎服入門○吐

瀉後轉筋不止宜

用木瓜湯直指

木瓜湯

治霍亂轉筋木瓜四錢吳茱萸二錢茴香炒一錢甘州炙四分右剉作一貼入薑三片紫

蘇十葉鹽一撮烏梅

一箇同煎服直指

一法

治轉筋不止欲死男子以手挽其陰牽之女子則挽其乳近兩傍牽之此千金方妙法也丹心

霍亂後煩渴

吐瀉既多津液暴凶以致煩渴引飲不止宜桂苓白朮散五苓散方見寒門椒豆散

麥門冬湯加減需 苓湯止渴湯諸方

桂苓白朮散

治中暑霍亂吐瀉煩渴滑石一兩寒水石石膏澤瀉甘艸各五錢白朮白茯苓

人參桂枝各二錢半右為末每三錢白湯或新汲水調下庄薑湯亦可綱目

麥門冬湯

治霍亂後煩渴麥門冬二錢陳皮半夏白朮白茯苓各一錢小麥半合人參甘艸各

五分右剉作一貼入薑三片烏梅一箇水煎服入門一名九君子湯入門

椒豆散

治霍亂吐瀉後煩渴不能服藥或水藥不入口者胡椒菉豆各四十九粒右研為末新汲

水調下或水煎服入門。一名胡椒湯胡椒而不
七粒藜豆二十粒為末木瓜湯調下直指

加減薑苓湯

治霍亂熱渴天花粉二錢赤茯苓六錢
猪苓澤瀉香薷乾葛各七分黃連白朮

甘州各五分右剉作一貼
入薑三片水煎服醫鑑

止渴湯

治同上人參麥門冬赤茯苓桔梗瓜蒌根澤
瀉葛根甘州各五錢右為末蜜水調二錢服

丹心

霍亂後虛煩

霍亂後虛煩不得眠或熱渴宜竹葉石膏
湯方親寒門參胡三白湯既濟湯諸方

參胡三白湯

治霍亂後煩熱口乾脉數或頭身痛柴
胡白朮白茯苓芍藥當歸陳皮麥門

冬梔子仁甘州各八分人參五分五味子十粒再
右剉作一貼入棗三梅一燈心一團煎服

既濟湯

治霍亂後虛煩不得眠麥門冬二錢人參竹
葉半夏附子炮甘州各一錢右剉作一貼

入薑五片粳米百粒水煎服丹心

霍亂吐法

治乾霍亂心腹刺痛煩冤吐利不得氣欲絕者極鹹鹽湯熱飲一升刺口令吐不吐則再

飲一升須三吐使宿食盡乃止此法大勝諸治吐

訖以理中湯藿香正氣散欸緩調治得效○又法

急以鹽湯一盞入童便薑汁頓服撥吐

令透未透再服吐後續用熨法入門

霍亂熨法

霍亂吐瀉心腹痛不可忍炒鹽二枕紙包紗

護頓其胃前并腹肚上以熨斗火熨之氣透

則甦續以炒鹽熨其背則十分無事得效

又法鹽炒吳茱萸熨臍下亦效

霍亂鍼法

乾霍亂刺委中穴名出血或十指頭諸經井

穴出血皆是良法正傳○絞腸痧證手足厥

冷腹痛不可忍者以手蘸溫水於病者膝腕上拍

打有紫黑點處以鍼刺去惡血即愈

用麻弦小竹弓蘸香油或熱水刮手足背額項

即愈經驗○乾霍亂者乃寒溼太甚脾被絆而不

助邪氣必所傷物盡然後稀粥漸漸養之 入門○
霍亂時大忌飲食入腹則死只喫冰水不妨不可

飲熱湯切不可飲
熱酒燒酒 山居

不治證

霍亂轉筋腹痛四肢厥冷氣欲絕其脉洪大不可
治如脉微而囊縮舌卷者不治 綱目○霍亂喘

脹煩躁者不治 得效○乾霍亂吐瀉不得胃腹脹

硬面唇青黑手足冷過肘膝六脉伏絕氣喘急舌

短囊縮者死 同春○脉微遲氣少不語為難治 得

效○大瀉大躁大汗遺尿者死 同生散救之 方見

水疾吐瀉

乘船大吐瀉渴飲水者即死飲童尿最好自
已尿亦好 丹心○枯白礬末一錢百沸湯點

單方

凡二十寸心者蓋有餘多者此衣神者儘好
夏湯法 煎服效 入門

服亦好 入門○船暈嘔吐大半○又欲熱酒

一種 煎服效 入門

煎服效 入門

鹽

治乾霍亂鹽一大匙熬黃取童尿一升溫和攪服吐下即愈本州

鍋底墨

治霍亂取二錢百沸湯一盞投其中急攪服吐瀉立止本州

甘爛水

治霍亂入藥煎用甚妙詳觀水部

生熟湯

一名陰陽湯治乾霍亂能吐宿食惡毒之物和鹽服之尤妙即百沸湯合新汲水也本州

生薑

治霍亂欲死生薑五兩切取牛尿一升同煎取汁服即效本州

天南星

治吐瀉不止四肢逆冷不省人事南星為末每三錢入大棗三枚同煎服四肢漸煖神識

林

便省神妙本州

蘆花

一名蓬蓽治霍亂氣息危急者取一握濃煎取汁頓服即差本州

皂角

乾霍亂鹽湯一椀入皂角末少許調服探吐即效本州

木瓜 治霍亂吐瀉轉筋不止煮汁飲之枝
葉功同。棋植與木瓜同功 本州

烏梅 治霍亂煩渴水漬
和蜜飲之妙 本州

林檎 青色者治霍亂吐瀉甚妙
煮取汁飲或嚼食之 本州

秣葛葉 治霍亂轉筋筋愈大如桃李攀摘
不可忍取葉濃煎湯飲之 種杏

粟米泔 治霍亂煩渴飲數升立差。又研米清
水和濾取汁服之主轉筋入腹 本州

糯米 治霍亂煩渴水研取
汁任意飲之 本州

蓼 治霍亂轉筋濃煎乘熱重洗
因取飲一二盞即愈 得效

香薷 治霍亂吐瀉轉筋濃煎飲之即
止。治霍亂不可闕也 本州

小蒜 治霍亂吐瀉煮下
汁飲之 本州

牛糞

治霍亂吐瀉四肢逆冷黃牛糞以水
煮濾取清汁頓服一升即止本州

燻鹿皮

或烟獐皮熏烟最多黃色者水浸搗
取汁頓服治乾霍亂即吐神效俗方

醋

治霍亂未得吐下飲一二升良。治轉筋取
禾絮漬醋煮令温暴患處冷則易即愈千金

牛涎

小兒霍亂牛涎一
合灌下立效得效

嘔吐

嘔吐之因

內經曰諸嘔吐逆衝上皆屬於火。胃膈熱
甚則為嘔火氣炎上之象也河間。嘔吐噦

者俱屬於胃胃者總司也以其氣血多少為異耳
嘔者陽明也陽明多血多氣故有聲有物氣血俱
病也吐者太陽也太陽多血少氣故有物無聲乃
血病也有食入則吐有食已則吐以橘紅為主噦
者少陽也少陽多氣少血故有聲無物乃氣病也
以半夏為主究其三者之源皆因脾氣虛弱或因

脉法

寒氣客胃或因飲食所傷而致宜以丁香藿香半

夏茯苓陳皮生薑之類主之東垣。溼嘔者有物

有聲食已則嘔乾嘔者空嘔無物總屬陽明氣血

俱病故嘔比吐為重也入門。劉河間謂嘔者火

氣炎上此特一端耳有痰隔中焦食不得下者有

氣逆者有寒氣鬱於胃口者有食滯心肺之分新

食不得下而反出者有胃中有火與痰而嘔者丹

心。嘔家雖有陽明證慎不可下逆之故也仲景

寸口脉數其人即吐。寸口脉細而數數則為熱

細則為寒數為嘔吐。脉經。問曰病人脉數數為

熱當消穀引食而反吐者何也師曰過發其汗令

陽氣微羸氣虛脉乃數數為客熱不能消穀胃中

虛冷故吐也仲景。陽脉緊陰脉數其人食已即

吐。寸緊尺滿其人胃滿不能食而吐。脉經。脉

滑為嘔吐。脉訣。嘔吐無他寸緊滑數微數血虛

單浮胃薄乳則有痰最忌瀼弱同春。跌陽脉浮

而溢浮則為虛溢則傷脾脾傷則不磨朝食暮吐

暮食朝吐完穀不化名曰胃反。脉經。脉緊而溢

胃反。脉經。脉緊而溢

其病難治。脈弦者虛也。胃氣無餘。朝食暮吐。暮食朝吐。脈經。反胃噎膈寸緊尺澀。同春。噎膈。

反胃脈浮緩者。生沉澀者。死。脈澀而黃者。有下。小血不足。脈大而弱。氣不足。醫鑑。

嘔吐治法

嘔吐有冷熱二證。冷者面青手足厥冷。食入乃吐。宜加味二陳湯。丁香香安胃湯。加減理中。

湯。熱者面赤手足熱。食已即吐。宜保中湯。和中。

桔梗湯。黃連竹茹湯。清熱二陳湯。或葛根竹茹湯。

加味橘皮竹茹湯。大病後胃熱虛煩而嘔者。竹。

葉石膏湯。方見寒門。加薑汁服即止。入門。時常。

口吐清水。或冷涎。自下涌上者。脾熱所致也。二陳。

湯。加白朮白芍藥。升麻神麩麥芽乾。生薑土炒。苓。

連。梔子。或水煎服。或蒸餅為丸服。入門。肝火出。

胃逆上嘔吐。宜抑青丸。方見火門。半夏橘皮。生。

薑為嘔家主藥。若胃虛而嘔者。宜推揚穀氣。四味。

藿香湯。加減四君子湯。主之。綱目。久病胃虛嘔。

吐。宜藿香安胃散。藿香平胃散。比和飲。痰飲嘔。

吐。宜茯苓半夏湯。小半夏湯。大半夏湯。三方見。

神水丸治嘔吐清水如神方見痰門。○停水而嘔

者心下怔忡先渴後嘔者宜赤茯苓湯方見痰門

先嘔後渴者宜猪苓散水入即吐者宜五苓散方

見寒門。○嘔家聖藥是生薑千金之說信矣然氣

逆作嘔生薑散之痰水作嘔半夏逐之生薑於寒

證最佳若遇熱嘔不可無烏梅也醫鑿。○嘔吐宜

服薤白粥。嘔家有癰膿不須治嘔膿盡自愈矣仲景

須治嘔膿盡自愈矣仲景

加味二陳湯

治胃冷嘔吐二陳湯方見痰門一冊

丁香安胃湯

治嘔吐噎胃寒所致黃芪二錢吳茱萸

麻當歸身陳皮甘州炙各五分黃

栝二分石剉作一貼水煎服正傳

加減理中湯

治胃寒冷嘔吐清水冷涎尿沉遲人參

夏縮砂研桂皮各一錢右剉作一貼

入薑二片烏梅一箇水煎服回春

保中湯

因痰火致嘔吐不下飲食白朮土炒二錢黃芩黃連並土炒藿香梔子薑汁炒各一錢半

夏陳皮赤茯苓各八分縮砂三分甘艸二分右剉作一貼入薑三片以長流水和黃泥澄清取水煎

乏去滓稱冷頻服 醫鑒

和中桔梗湯

治上焦熱食已暴吐脈浮而洪半夏麴二錢桔梗白朮各一錢半陳皮厚朴枳

實赤茯苓各一錢右剉作一貼薑三片水煎取清

調木香檳榔末各一錢空心服三服後吐漸止除

木香檳榔末更加白芍藥二錢黃芪一錢半煎服 正傳

黃連竹茹湯

治胃熱嘔吐煩渴脈數黃連薑汁炒梔子炒黑青竹茹各一錢人參七分白朮

赤茯苓白芍藥陳皮麥門冬甘艸各五分

右剉作一貼入棗二梅一水煎服 回春

清熱二陳湯

治痰火嘔吐出涎沫半夏陳皮赤茯苓甘艸人參白朮竹茹砂仁梔子麥門冬

各一錢右剉作一貼入薑
三棗二梅一木煎服 同卷

葛根竹茹湯

治胃熱嘔吐葛根三錢半夏切薑汁漿
水同煮焙乾二錢甘州一錢右剉作一

貼薑三片棗二枚竹茹一彈子大同煎服 丹心
治酒嘔尤妙入門。欲知胃中有熱手足心皆熱

者是胃熱也入門

加味橘皮竹茹湯

治胃熱多渴嘔吐不食橘皮竹茹
赤茯苓枇杷葉麥門冬半夏各一

錢人參甘州各五分右剉作一貼薑三片水煎
服。無枇杷葉則以蜜炙桑白皮代之 入門

四味藿香湯

治胃虛嘔吐粥藥不停藿香人參橘皮
半夏各二錢右剉作一貼薑三煎服 入門

加減四君子湯

治久病胃弱全不納食聞食氣即嘔
西君子湯方見氣門 去茯苓加入參

黃芪香附子各一錢右剉作一

貼入生薑三片水煎服 入門

藿香安胃散

治脾胃虛弱嘔吐飲食不待腐熟橘紅

每取二錢薑三片

同煎溫服寶鑑

藿香平胃散

治同上蒼朮二錢藿香厚朴陳皮各一錢半縮砂神麴各一錢甘艸炙七分右

剉作一貼薑三片棗

二枚水煎服東垣

比和飲

治胃虛嘔吐月餘不納水穀聞食氣即嘔聞藥亦嘔人參白朮白茯苓神麴炒各一錢藿

香陳皮縮砂甘艸各五分陳倉米一合右剉作一

貼先以順流水三升泡伏龍肝末澄清取漿升半

入藥及薑三棗二同煎至七分去滓稠冷服日二

三遂納而不吐別以陳倉米煎湯時時啜之全愈

醫鑑

茯苓半夏湯

治痰飲停胃嘔吐不止半夏二錢赤茯苓陳皮蒼朮厚朴各一錢藿香八分縮

砂乾薑甘州炙各五分右剉作
一匙入薑三梅一水煎服回春

猪苓散

治先嘔後渴嘔吐而思水解者急與之猪苓
赤茯苓白朮各等分右為末每一二錢水調

服。一人每嘔水二三椀諸藥不效但
吃井華水一口即止用此藥即愈仲景

薤白粥

治嘔最效薤白三莖雞子三箇去黃粟米三
合同煮作稀粥別用人參一兩細剉水一升

煎取三合去滓右以雞薤粟粥入煖
人參湯相和攪勻頓服即止得效

惡心乾嘔

惡心者欲吐不得吐見飲食則心便惡之二
陳湯方見痰門加白豆蔻香附子縮砂煎服

入門。○惡心者欲吐不吐也胃口有熱有痰二陳
湯加薑炒苓連丹心。乾嘔者有聲無物也乾嘔

或手足厥冷者宜生薑橘皮湯活人。○惡心者無
聲無物但心中兀兀然無柰欲吐不吐欲嘔不嘔

雖曰惡心實非心經之病皆在胃口上宜用生薑
入日惡心吐清水胃口有痰有熱有虛皆用生薑

宜生薑半夏湯 仲景。乾嘔吐涎沫宜半夏乾薑散 仲景。胃中素有熱惡心乾嘔不止者宜梔子

竹茹湯

醫鑒

生薑橘皮湯

治乾嘔或手足厥冷橘皮四兩生薑八兩右剉以水七盞煮至三盞逐旋微溫

呷服

活人

一名陳皮湯治

乾嘔最妙下咽即愈 仲景

生薑半夏湯

治胃中似喘不喘似嘔不嘔似噦不噦徹心中憤憤然無柰者半夏五錢水

盞半煎至半盞入薑汁半盞和勻緩緩服之 仲景

大凡嘔吐藥忌一時頓服宜緩緩服 入門

半夏乾薑散

治乾嘔吐涎沫半夏乾薑各等分右

麩末每取豆錢米煎緩緩服 仲景

梔子竹茹湯

治胃熱惡心乾嘔不止梔子炒豆錢陳皮二錢青竹茹一錢半右剉作

煎和薑汁出流八升此為胃氣強而不

煎和薑汁出流八升此為胃氣強而不

煎和薑汁出流八升此為胃氣強而不

食痺吐食

食痺謂食已心下痛陰陰然不可名也不可忍也吐出痛乃止此為胃氣逆而不下行也

內經。痛而嘔為寒經云寒氣客於腸胃厥逆上出故痛而嘔也。綱目。嘔吐而脈弦者肝勝于脾

也由風痰羈絆于脾胃之間故惡心欲吐飲食不

下當先實其脾土宜茯苓半夏湯麥天湯白朮茯

苓湯金花丸木藥治一神頭頭頭頭頭頭頭頭頭

蒸金花丸東垣大藥長半蓋味白藥藥藥藥藥藥藥

茯苓半夏湯

治風痰羈絆於脾胃之間惡心欲吐宜實脾土麥芽炒一錢半白朮白茯苓半

夏神麴炒各一錢五分橘紅天麻各一錢惡心

右剉作一貼為麤末薑五水煎服東垣神麴炒前服

白朮茯苓湯

治同止白朮白茯苓半夏各三錢神麴炒一錢麥芽麴五分右剉作一貼薑五

片水煎

服東垣

金花丸

治同止半夏製一兩檳榔二錢雄黃水飛一錢半右為末薑汁浸蒸餅和丸梧子大薑湯

下三五十丸以吐止為度風痰羈絆于脾故飲食
不下用此以治風痰易老一名安脾丸入門

水煮金花丸

治風痰羈絆脾胃飲食不下白麪四兩
半夏天南星並湯洗寒水石燒各一兩

天麻五錢雄黃一錢半右為末滴水丸梧子大

每取百丸先煮漿水沸下藥煮令浮為度漉出生

薑湯吞下食前易老風邪在胃翻翻不定或鬱

酸水全不入食宜不換金正氣散方見寒門或安

脾丸不宜輕用參朮惟久病脇痛者木克土也宜

六君子湯方見痰門加青皮白芍藥柴胡升麻川

芎砂仁神麪中熱也春谷氣血虧弱食與

煎服入門大男氣弱上齒胃面發熱其命當

麥天湯

治風邪羈絆脾胃有痰惡心欲吐麥門冬一
錢半天麻一錢三分白朮白茯苓半夏神麪

陳皮各一錢右剉作一餅下煎服水

貼薑五水煎服入門胃氣上逆天麻生附子不出

吐病有三

吐也。食飲入而還出為下膈食碎時乃反
氣為上膈屬上焦食已暴吐者今世謂之嘔

出之屬中下二焦。朝食暮吐暮食朝吐今世謂之膈氣反胃也。綱自。吐有三因乃氣積寒也皆從三焦論之上焦在胃口上通天氣主納而不出中焦在中脘上通天氣下通地氣主腐熟水穀下焦在臍下下通地氣主出而不納。上焦吐者皆從於氣氣者天之陽也其脉浮而洪其證食已暴吐渴欲飲水大便燥結氣上衝胃而發痛其治當降氣和中。中焦吐者皆從於積有陰有陽食與氣相侵為積而痛其脉浮而弦其證或先吐而後痛或先痛而後吐治法當以小毒藥去其積水香積柳和其氣。五紫沈丸消積。下焦吐者皆從于寒地道也其脉沈而遲其證朝食暮吐暮食朝吐小便清利大府秘而不通治法宜以毒藥通其閉塞溫其寒氣大便漸通復以中焦藥和之不令大府結閉而自安也。易老

噎膈反胃病因

內經曰三陽結謂之膈註曰三陽者大小腸俱熱結也蓋小腸熱結則血脈燥

大腸熱結則不能便膀胱熱結則津液泄三陽熱
 結脈必洪數有力前後閉塞下既不通必反而上
 行所以噎食不下縱下復出乃陽火上行而不下
 降也入門。內經曰少陽所至為嘔涌溢食不下
 此理明矣入門。又曰食不下者胃脘隔也入門
 ○血液俱耗胃脘乾槁其槁在上近咽之下水飲
 可行食物難入間或可入入亦不多名之曰噎其
 槁在下與胃相近食雖可入難盡入胃良久復出
 名之曰隔亦曰反胃大便秘少若羊屎然名雖不
 同病出一體。其槁在賁門食下則胃脘當心而
 痛須臾吐出食出痛乃止此上焦之噎隔也或食
 物可下難盡入胃良久復出其槁在幽門此中焦
 之噎隔也其或朝食暮吐暮食朝吐其槁在闕門
 此下焦之噎隔也丹心。飲食不下而大便不通
 名曰噎噎隔者有拒格之意即噎食反胃也入門
 ○噎隔有五五隔者憂患寒熱氣也在心脾之間
 上下不通或結於咽喉時覺有所妨碍吐之不出
 噎之不下由氣鬱痰結而然五噎者憂食勞氣惡

東坡醫集卷之五十一
 噎隔

也飲食卒然阻滯而不下反胃也噎也噎也受病皆同醫鑒。張雞峰曰噎當是神思間病惟內觀

自養可以治之其言淡中病情丹心。噎噎之證

不屬虛不屬實不屬冷不屬熱乃神氣中一點病

耳醫林。噎病皆生於血枯血枯則燥矣

得病情合經旨者丹溪一人而已。綱目

噎膈反胃治法

噎病生於血乾夫血者陰氣也陰主靜內外兩靜則藏府之火不起而金水二

氣有養陰血自生腸胃津液傳化合宜何噎之有

○曰胃脘乾槁果可治乎曰古方用人參以補肺

御米以解毒竹瀝以清痰乾薑以養血粟米以實

胃蜜以潤燥薑以去穢正是此意。噎膈反胃大

率屬血虛氣虛有痰有熱血虛四物湯氣虛四君

子湯痰用二陳湯熱用解毒湯即黃連解毒湯氣血俱虛

八物湯主之必和以童便竹瀝韭汁薑汁且多飲

牛羊乳為上策但不可用人乳代之蓋有七情烹

飪之火故也切不可用香炒藥宜薄滋味。飲酒

者加砂糖驢屎入內服以防生虫。丹心。噎膈宜

用平鯽丸神仙奪命丹丁香透膈湯五疔寬中散
棗肉平胃散方見內傷瓜萋實丸神奇散當歸養
血湯生津補血湯聖灰散八仙膏。反胃宜用硫
末丸狗米平胃丸杵糠丸九仙奪命丹順氣和中
湯安中調氣丸回生養胃丹定生丹
安胃湯太倉丸奪命丹附子散諸方

平鯽丸

治疔氣不食大鯽魚一箇去腸留鱗以大蒜
切片填魚腹內溼紙包黃泥固濟慢火煨熟

去鱗骨入平胃散末杵丸梧子大
每三五寸丸空心米飲吞下入門

神仙奪命丹

治氣鬱嘔吐或噎食不下百州霜研五
錢雄黃鵬砂各二錢乳香一錢半菉豆

黑豆各四寸丸粒右為末烏梅三寸筒水浸去核
取肉和藥末搗勻彈子大朱砂二錢為衣每噲一
丸以茶泡熱餅壓下良久不吐乃藥之效若吐再
噲化一丸服忌油膩鹽醋怒氣入門。未名三豆

回香丹

丁

香

香丹

丁香透膈湯

治五噎十隔痞塞不通白朮一錢三分

七分沈香藿香陳皮厚朴各五分丁香木香麥芽

青皮肉豆蔻白豆蔻各三分艸果神麴半夏各二

五隔寬中散

治五隔食不下厚朴香附子各一錢半

木香三分白豆蔻二分右為籠末

瓜萋實丸

治噎膈胃膈痞痛徹背喘急妨悶瓜萋實

入薑三片鹽少許水煎服

神奇散

治噎膈反胃血虛有火三陽枯竭當歸川芎

白芍藥生地黃並酒炒陳皮縮砂半夏白朮
蒼白朮土炒香附子枳實烏梅肉藿香赤茯苓檳榔木通猪苓黃芩炒黃栢人乳炒知母人乳炒赤

芍藥天門冬麥門冬甘州各五錢三兩為末火實
分右剉作一貼水煎服 醫鑿

當歸養血湯 治老人痰結血枯成喘噎當歸白芍藥
炒熟地黃白茯苓各一錢黃連以吳茱

萸同炒去茱萸八分貝母炒瓜蔓仁枳實陳皮厚
朴香附子川芎蘇子各七分沉香五分水磨取汁

右剉作一貼薑一棗二水煎
入沉香汁竹瀝調服 同春

生津補血湯 治年少人噎膈乃胃脘血燥不潤故便
閉塞而食不下當歸白芍藥熟地黃生

地黃白茯苓各一錢枳實陳皮黃連炒蘇子貝母
各七分縮砂沈香水磨取汁各五分右剉作一貼

薑一棗二水煎入
入沈香水調服 同春

聖灰散 治噎食病及回食病 同食者食
下即吐也 取初出窰石

末投入鍋中滾水中化開去渣止用清水煮
乾炒黃色為度黃色難得牙色即可用罐收貯封

口勿冷泄氣過一二年則無用矣凡人年四十餘

壯健者用四分年老氣弱只用二分或三分好燒酒調服一二鍾能飲者三四鍾或吐出虫或下虫其病即愈如不吐不下遇發再服自痊同春

八仙膏

治噎食生藕汁生薑汁生梨汁生蘿蔔汁甘蔗汁無則砂白果汁即銀杏竹瀝蜂蜜各一盡右和勻盛飯甑蒸熟任意食之同春

硫汞丹

治反胃吐逆水銀八錢生硫黃末二錢同入銚內慢火化開柳枝拌炒有焰起以醋洒之俟結成砂子再研為末以粽火拌丸菴豆大生薑橘皮湯下三五丸入門

狗米平胃丸

治反胃諸藥不效黃雄犬一只餓數日用生粟米飼之取其糞中米淘淨用韭白煎湯煮作粥臨熟入沉香二錢平胃散末和勻得所作丸梧子大每五七丸陳米飲下入門

杵糠丸

治五隔杵頭糠牛轉料各半斤糯米一斤為末取黃母牛口中涎和砂糖三兩為丸芡實

入入鍋內慢火煮熟食日二
次入門。一名奪命丸 正傳

九仙奪命丹

治反胃噎食其效如神枳殼二兩白礬
柿一兩半夏厚朴並薑製各五錢木香

南星薑製各二錢人參甘州各一錢豆豉研過一
兩右為末夜晴露過以人參厚朴煎湯調糊作餅
如小錢大慢火焙乾每一餅嚼碎以薑

湯調平胃散送下忌庄冷酒麪

順氣和中湯

治嘔吐反胃嘈雜吞酸噎隔吐痰水心
腹刺痛陳皮鹽水炒香附子醋炒梔子

薑汁炒黑各一錢白朮土炒八分白茯苓七分半

夏神麴黃連薑汁浸晒乾猪膽汁拌炒各六分枳

實五分縮砂三分甘州炙二分右剉作一貼入薑

三長流水入黃土泥攪澄清水煎入竹瀝童便薑

汁溫服

醫鑿

安中調氣丸

治反胃及痰氣白朮土炒香附子長流
水浸三日炒黃各三兩陳皮二兩半夏

製油炒白茯苓神枳實神麴炒黃連薑汁浸猪膽汁
拌炒各一兩白芍藥八錢蘇子炒蘿蔔子炒各六
錢川芎當歸酒洗白豆蔻炒各五錢甘艸炙三錢
木香一錢右爲末以竹瀝薑汁打神麴爲糊和丸
菜豆大白湯下
一百丸 醫鑿

回生養胃丹

治脾土虛寒聚成痰涎以致大便燥澀
小便赤而多嘔吐酸水漸成反胃結腸

之證蒼朮換泔浸六日蓮肉酒浸各四兩取猪
肚一箇以壁土揉擦洗淨入蒼蓮線縫好酒煮爛
搗細捏作小餅烘乾南星細切薑汁浸一宿伏龍
肝同炒去土半夏湯洗醋浸七日蒸熟橘紅伏龍
肝同炒去土粟米薑汁浸蒸焙各四兩人參白朮
白茯苓厚朴蓬朮三稜二味並醋炒萆薢茄縮砂
白豆蔻殼芽炒麥芽炒甘艸各一兩丁香木香沈
香各五錢右爲末稀麴糊和丸梧子大米飲吞下
六七十 醫鑿

定生丹

治反胃定生灰雄黃朱砂乳香半夏木香肉豆蔻百州霜為末各三錢沉香一錢阿魏礪

砂各五分菉豆四十粒烏梅四十箇湯泡去核右

為末以烏梅肉和搗作丸彈子大百州霜為衣陰

乾每一丸噙化嚥下以薑湯漱口復以陳麥餅火

燒熟細嚼壓下噙藥即燃官香一炷如香盡藥未

化者難治藥先化香

未盡者可愈醫鑑

安胃湯

治反胃白朮白茯苓山藥炒膏歸陳皮半夏藿香各六錢黃連薑汁炒蓮肉各八分人參

縮砂各五分甘州三分右剉作一貼

入薑三棗二烏梅一水煎服同春

太倉丸

治反胃噎膈白豆蔻縮砂各三兩陳倉米平升黃土炒去土右為末薑汁和丸梧子大薑

湯下百要熱熱入藥內其氣未熟酥騰空

丸同春一錢散戰心煎一匙益其火散越入黃連

奪命丹

治反胃有起來回生之功菉豆一箇麝香五分孩兒茶二分金絲黃礬三分朱砂春二分夏

四分秋六分冬八分。○裘乃土糖裘即曉娘所轉
之彈凡糞土之下皆有用彈中有白虫者如指大
如蟻蟪一樣將彈小破一點蓋住火煨過大黃色
存性不要燒焦放入藥內并彈共為末燒酒調空
心服如覺飢用小米煮粥漸漸少進一日三五次
不可多吃一日進一椀半足矣多進則病復不可
治矣忌生冷厚味葱蒜酒麪氣
惱五十以後一二服即效回春

附子散

治反胃大附子一箇坐於磚上四面著火漸
逼淬入生薑汁中又灸又淬之可盡汁半椀

許擣為末粟米飲調下一錢不過三
服差或加丁香一錢同為末入門

嘔吐噎膈反胃宜通大便

病人欲吐者切不可下逆之
故也仲景。陽明之氣下行

則順今逆而上行謹不可泄固也然嘔吐者每每
大便秘結上下壅遏氣不流行蓋思所以區盡而
利導之直指。陰虛邪氣逆上窒塞嘔噦不足之
病也此地道不通當用生地黃當歸桃仁紅花兼

用甘艸微加大黃苳硝以通其閉大便利則嘔吐
噦自止矣東垣。嘔吐證忌用利藥此言其常只

嘔吐而大小便不祕泄者利藥所當忌也若大小
腸膀胱熱結不通上為嘔吐隔食若不用利藥開

通發泄則嘔吐何由而止乎古人用三一承氣湯
正是此意丹心。通利大便以開下焦之壅塞宜

用紫沉丸厚朴丸附子丸人參利膈丸三一承氣
湯四子調中湯香白丸大黃湯潤腸膏諸方。嘔

吐家多大便秘結虛冷者用蘇感丸溫而利之方
見大便若大便熱結用蜜導法方見大便或猪膽

汁和醋灌入方見大便或猪膽
下部妙直指方見大便或猪膽

紫沈丸 治中焦吐食由食積與寒氣相格致吐而蒸
此主之陳皮五錢半夏麴代赭石縮砂烏梅

肉各三錢丁香檳榔各二錢沈香木香杏仁白朮
各一錢白豆蔻巴豆霜各五分右為末醋糊和丸

黍米大每五十丸薑湯下。一法橘皮一箇去白
生薑一塊煨熟煎湯下紫沈丸百丸一日二服後

大便通不吐
則止 易老

厚朴丸

治同上 方與萬病紫苑丸同
聚每服三丸或五丸薑湯下

方見積

附子丸

治下焦吐食朝食暮吐暮食朝吐大便不通
附子炮五錢巴豆霜一錢砒礬二錢右研極

細熔黃蠟為丸梧子大每一二丸冷水送下下利
為度利後更服紫苑丸常服一丸勿令再閉 保命

人參利膈丸

治噎膈大便燥結喘滿壅塞治膈氣之
聖藥也人參當歸藿香枳殼大黃厚朴

甘艸各一兩木香檳榔各七錢半右為
末水丸梧子大白湯下五七末丸

綱目三一承氣

三一承氣湯

治嘔吐大便祕三陽結而不
通上為噎膈反胃方見寒門

四子調中湯

治反胃痰盛二便澀半夏二錢桃仁
錢半香附子枳實瓜蒌仁蘇子炒白芥

子炒各一錢黃連薑汁炒七分青皮陳皮沈香白
茯苓木通芩薤各五分右剉作一貼水煎入苡薏補

攪勻空心服醫鑒

香白丸

治痰涎壅盛嘔吐不止大便澀滯青州白丸方見風門與青木香丸方見氣門右等分

作丸薑湯下三十丸得效

大黃湯

治冷涎反胃其候欲發時先流冷涎次則吐食此乃勞證治不早次在朝夕大黃一兩庄

薑自然汁半盞炙大黃令燥淬入薑汁中如此淬汁盡切焙為末每二錢陳米一撮蔥白二莖水一盞煎至七分先食蔥白次服藥不十日去根本事

○凡噎膈大便燥結用大黃乃急則治標之法也仍用四物湯加童便其

汁竹瀝多服為妙正傳

潤腸膏

治隔噎反胃甚捷新採威靈仙四兩搗取汁庄薑四兩取汁真麻油二兩白砂蜜四兩煎

去沫右同入銀右器內慢火煎如錫時時以此挑食之十料快效正傳

難治不治證

嘔吐脈弱小便自利身微熱而厥者虛極難治脈經。凡吐如清菜汁者死此是乍

然嘔吐非反胃比也。入門。噎隔反胃證年高者

不治。年五十以。糞如羊屎者不治。大腸無。不

淡飲食不斲房室者不治。氣血俱虛者則口中

多出沫但見沫多出者必死。丹心。反胃吐白沫

者可治吐黃沫

者不可治種杏

單方

凡三十種

黃丹

治反胃黃丹一兩白礬二兩同入罐內火服放

綱目

為朱蒸餅和丸梧子大温酒下五丸至七丸

黑鉛

吐虫而嘔者黑鉛炒成灰檳榔

等分為末空心米飲調下丹心

滑石

治反胃積飲滑石末生薑自然汁澄清白臍和

丸時時服之丹心。暴吐逆滑石末温水服二

木 錢妙 本州

赤石脂

治痰飲吐水成反胃石脂水飛每一錢空心以水酒任下加至二三錢無則以好赤土代

之 本州

人參

治反胃垂灰者人參末三錢薑汁五合粟米一合煮粥空心食之 入門 又人參剉二兩水煎

頓服 日 再 本州

生薑

凡嘔吐皆因氣逆故用生薑之辛以散之。反胃嘔吐生薑汁煮粟米粥食之。乾嘔服薑汁

一升 卽 本州

半夏

凡嘔噎用半夏者散結氣也。反胃嘔吐半夏一兩製生薑二兩剉分二貼水煎服 本州 嘔

家用半夏以去其水 水去則嘔自止 金匱

蘆根

治乾嘔噦及五噎煩悶蘆根五兩水煎頓服一升不過三升即差本艸

竹茹

主嘔吐取青竹茹一升水煎頓服。嘔噦用竹茹者澁胃解煩也人門

鯽魚

治反胃取大鯽魚去腸留膽入綠礬滿腹以火炙焦為末每一錢米飲下日三綱目。諸魚灰

並主便噎本艸

蚌蛤粉

治反胃吐食取爛粉米飲下一二錢。蜆爛殼馬刀爛殼田螺爛殼並主反胃燒灰和飲

服本艸

蝟

主反胃吐逆取肉淹五味炙食皮燒灰和酒服亦可煮汁飲本艸

橘皮

治反胃嘔吐橘皮用日照西方壁土末同炒香取皮為末每一錢淡薑湯煎服直指

木瓜

止嘔逆煮汁飲之佳生薑同煎服尤妙。槓檀去惡心乾嘔煎服之本艸

蒲萄根

止嘔噦濃煎取汁
細細飲之佳本

獼猴桃

治熱壅反胃取汁和薑汁服之
主胃閉吐逆煎取汁和薑汁服之甚佳
本

杵頭糠

主噎食不下咽喉塞取細糠蜜丸彈子大含
化嚥之○又細糠一兩白粳清調服
入門

嬰子粟

治反胃食不下和竹瀝
煮作粥食之大佳
本

藪

和鯽魚作羹食之主反
胃食不下止嘔
本

老牛口中涎

主反胃噎隔取少許和水服之終身不
噎○口中齡之州絞取汁服止噎
本

驢尿

主反胃吐不止朝夕垂絕取熱尿服之合再
服便定七日永差稍有有毒不可多服
本

牛乳

治反胃噎要藥韭汁二盞牛乳一盞竹瀝半
盞童便一盞生薑半兩取汁右和勻頓服
醫

○一人病反胃大便燥此精血耗竭也先以甘蔗
汁煮六君子湯方見痰門加附子大黃服且令飲

手乳勿食諸物半月
大便潤而愈 丹心

田螺

治反胃大田螺多取新水養之待吐出泥渣去
清水以灰鋪篩上用皮紙覆灰上傾此泥於紙

上待半乾作丸梧子大每三十丸藿香湯吞下立
愈名曰螺泥丸其螺放於水中殺食無效 綱目

螞蟥

治反胃噎隔取螞蟥洗淨入水中高四指以香
油小酒鍾入水中二指捻白麪撒水上涎即出

次日去蛤留水晒乾涎為末每
服五分淡燒酒調下即效 醫監

馬勃兒

一名馬勃兒即王瓜也治噎隔反胃燒存性
為末每一錢和棗肉平胃散二錢溫酒調服

食則可下然後隨證調理 一方煎爛入酒
只燒存性米飲調服 二錢正傳

炊乾飯

治噎噎久不納穀取隔年次乾飯以急流順
水煮爛取汁時時飲之待能食以藥調治 正傳

雞穀袋

治噎取袋不以多少不可失包內一物用泥
固濟大煨存性每袋一箇入薑炒香附末半

兩神麴糊和丸梧子大薑湯吞下空心

狗胎衣

治反胃取狗生子胎衣陰乾燒為末酒調服甚效狗生子急取之稍遲則狗食之矣

狗膽

治反胃吐黃沫辰砂一兩大黃二兩為末狗膽浸二日乾再為末麴糊和丸梧子大空心鹽湯

下三十丸種杏

蝎虎

治噎食反胃取活蝎虎一箇入燒酒內浸七日火上溫之去蝎虎飲酒即愈。又雄雞餓一日

卻取蝎虎切爛與雞喫取其糞焙乾為末每一錢燒酒調下

鍼灸法

嘔吐無度并乾嘔不止尺澤大陵皆灸三壯又灸乳下一寸三壯又灸間使三十壯若四肢

厥冷脉沈絕灸間使便通此回生起死之法

善嘔嘔有苦者在膽通在胃取三里陽陵泉

吐食不化取上腕中腕下腕東垣。反胃神效膏脊俞灸百壯宣中三里各灸七壯

又取勞宮中魁腕骨心俞中院綱目○今日食明
日吐取心俞膈俞臍中巨闕中院綱目○五噎五
隔取天突臍中心俞上院中院下院脾俞胃俞通
關中魁大陵三里綱目○反胃灸肩井三壯即愈
乃神灸也同春○又取
水分氣海灸之資生

咳嗽

咳嗽病因

內經曰人感於寒微則為咳甚者為嗽為痛
○秋傷於溼冬生咳嗽又曰秋傷於溼上逆
而咳發為痿厥內經○形寒飲冷則傷肺肺傷則
咳嗽難經○秋傷於溼冬必咳嗽者蓋秋傷於溼
積於脾也大抵素秋之氣宜清而肅若反動之則
氣必上衝而為咳嗽是則動脾溼而為痰也是知
脾無留溼則雖傷肺氣亦不為痰若有痰而寒少
熱多故咳嗽咳非專主乎肺病以肺主皮毛而
司於外故風寒先能傷之也經曰五藏六府皆能
使入咳非獨肺也各以其時王之而受病焉非其

脉法

時則傳以與之也。所病不等，寒燥溼風火皆能令人咳。惟溼病痰飲入胃，留之而不行，上人於肺，則為嗽。假令溼在心經，謂之熱痰溼；在肝經，謂之風痰溼；在肺經，謂之氣痰濕；在腎經，謂之寒痰。所治不同，各隨證用藥。河間。咳謂無痰而有聲，肺氣傷而不清也。嗽謂無聲而有痰，脾濕動而為痰也。咳嗽者，有痰而有聲，因傷肺氣動於脾濕，故咳而兼嗽也。河間。咳者，聲咳之咳，俗謂之嗽者是也。肺主氣，形寒飲冷則傷之，使氣上而不下，逆而不取，衝擊膈咽，令喉中嗚嗚如痒，習習如梗，是冷嗽甚者，續續不已，連連不息，坐臥不安，言明理。語不竟，動引百骸，聲聞四隣矣。明理。咳嗽所因，浮風緊寒，數熱細溼，房勞瀆難，右關濡者，飲食傷脾，左關弦短，疲極肝衰，浮短肺傷，法當咳嗽。五藏之嗽，各視本部浮緊虛寒沈數實熱洪滑多痰，弦澁少血，形盛脉細，不足以息，沈小伏匿，皆是死脉。惟有浮大而嗽者，注外證內脉，參考秤停脉訣。關上脉微為咳。脉弦或緊為寒。脉

浮為風。○脉細為溼。○脉數為熱。○脉沈為留飲。
 ○沈數為實熱。○洪滑為多痰。○脉浮軟者生沈。
 小伏匿者死。正傳。○喘急脉沈肺脹停水氣逆壅。
 曾脉必伏取沈而實滑身温易愈身冷脉浮尺瀉。
 難補。同春。○喘脉滑而浮者生。澁而數者死。大抵
 宜浮遲不宜急數。正傳。○喘鳴肩息者脉實大也。
 緩則生急則死。內經。○喘脉滑而手足温者生。脉
 瀉而手足寒者死。數者亦死。為其形損故也。脉經
 ○咳逆脉浮而緩者易治。○弦急而按之不鼓者
 難治。○脉結或促或微皆可治。○脉代者危。○右
 關脉弦者木乘土位難治。正傳。○咳逆上氣脉散
 者死。散即數脉也。咳逆脉數為火刑金必死。人門
 ○咳唾膿血脉數虛為肺痿。數實為肺癰。仲景。
 肺痿唾血脉緊強者死。滑者生。脉經。寸數虛澁
 肺痿之形。脉訣

咳嗽雖屬肺亦有臟腑之異

內經曰咳嗽上氣脉在胃中過在手陽明大腸太陰

肺。帝曰：肺之令人咳何也？岐伯曰：五藏六府皆令人咳，非獨肺也。帝曰：願聞其狀。岐伯曰：皮毛者，肺之合也。皮毛先受邪氣，邪氣以從其合也。其寒飲食入胃，從肺系上至於肺，則肺寒。肺寒，內外合邪，因而客之，則為肺咳。五藏各以其時受病，非其時則各傳以與之。乘秋則肺先受邪，乘春則肝先受之，乘夏則心先受之，乘至陰則脾先受之，乘冬則腎先受之。帝曰：何以異之？岐伯曰：肺咳之狀，咳而喘，息有音，甚則唾血，心咳之狀，咳則心痛，喉中啾啾如梗狀，甚則咽腫喉痹，肝咳之狀，咳則兩脇下痛，甚則不可以轉，轉則兩胛下滿，脾咳之狀，咳則右胛下痛，陰陰引肩背，甚則不可以動，動則咳劇，腎咳之狀，咳則腰背相引而痛，甚則咳涎。帝曰：六府之咳，奈何？安所受病？岐伯曰：五藏之久咳，乃移於六府。脾咳不已，則胃受之，胃咳之狀，咳而嘔，嘔甚則長虫出，肝咳不已，則膽受之，膽咳之狀，咳而嘔膽汁，肺咳不已，則大腸受之，大腸咳狀，咳而遺矢，心咳不已，則小腸受之，小腸咳狀，咳而失氣。

腎咳不已則膀胱受之膀胱咳狀咳而遺尿久咳不已則三焦受之三焦咳狀咳而腹滿不欲食飲此皆乘於胃關於肺使人多濁唾而面浮腫氣逆也

臟腑治咳藥

肺咳宜麻黃湯
方見寒門
心咳宜桔梗湯
方見寒門
脾咳宜升麻湯
方見寒門
腎咳宜小柴胡湯
方見寒門
膽咳宜黃芩湯
方見寒門

見寒門胃咳宜烏梅丸
方見寒門
大腸咳宜赤石脂湯
方見寒門
加半夏庄薑
半夏黃芩芍藥甘草煎
禹餘糧湯
方見寒門
小腸咳宜芍藥甘草湯
方見寒門

腹門膀胱咳宜茯苓甘草湯
方見寒門
煎薑三焦咳宜錢氏異功散
方見寒門
小兒○海藏

嗽作有四時早晏之異

凡咳嗽春是春升之氣夏是火炎上最重秋是溼熱傷肺冬是

風寒外束
○大槩春氣上升宜潤肺抑肝夏火上炎宜清金降火秋溼熱甚宜清熱瀉溼冬風寒重宜解表行痰用藥發散之後以半夏等藥逐去其痰庶不再來
入門○早晨嗽多者胃中有食

積至此時火氣流入肺中為白散加知母或二母散五更嗽同。上半日嗽多屬胃中有火用貝母

石膏降胃火一云上半日咳多者午前也胃中有

實火單石膏丸方見火門加知母貝母若便閉喘

渴痰稠者宜涼膈散方見火門。午後嗽多屬陰

虛四物湯加知母炒黃柏先降其火一云午後嗽

下半日也多屬陰虛四物合二陳湯加知母黃柏

麥門冬如寒熱盜汗遺精宜滋陰降火湯方見火

門。黃昏嗽多此火氣浮於肺不宜用涼藥五味

子五倍子歛而降之。一云黃昏嗽多者夜嗽也潤

桔梗湯

除痰止咳嗽又治心咳桔梗半夏製陳皮去

白各一兩枳實三錢右為麤末每二三錢薑五

水煎服

母瓜萸青黛梔子黃芩桑白皮。夜嗽用降陰分

火丹心。風寒鬱熱夜嗽者三

初湯加知母黃芩止薑正傳

水煎服

方

二母散

治諸般咳嗽兼治痰喘知母貝母各一兩巴豆十粒作霜右為末每服一字與薑三片臨

臥細嚼白湯下便合口睡其

嗽即定亦治久嗽不愈入門

咳嗽諸證

有風嗽寒嗽熱嗽溼嗽鬱嗽勞嗽食積嗽氣嗽痰嗽乾嗽血嗽酒嗽久嗽火嗽夜嗽天行

嗽通治咳嗽藥○咳因氣動為聲嗽乃血化為痰

肺氣動則咳脾溼動則嗽脾肺二藏俱動則咳嗽

俱作也

入門

風嗽

風乘肺則鼻塞聲重口乾喉痒語未竟而咳入門
○傷風咳者脉浮增寒壯熱自汗惡風口乾煩燥

鼻流清涕欲語未竟而咳醫鑑○傷風咳嗽宜神

水散欬冬花散人參荊芥散方見擊音金沸州散

三柳湯五柳湯加

減三柳湯諸方

神水散

治傷風頭痛鼻塞聲重咳嗽蒼朮二錢羌活川芎白芷細辛甘州各一錢右剉作一貼薑

三蔥一煎服得效

欬冬花散

治寒壅相交肺氣不利咳嗽痰盛麻黃貝母阿膠珠各二錢杏仁甘州炙各一錢知

母桑白皮半夏欬冬花各五分右剉作一貼薑三片水煎服得效

金沸艸散

治肺感風寒咳嗽聲重痰涎黃濁壅盛荊芥穗二錢旋覆花前胡各一錢半麻黃赤

茯苓各一錢半夏七分半細辛甘州各三分右剉作一貼入薑三棗二梅一水煎綿濾去滓服正傳

三拗湯

治感風寒咳嗽鼻塞聲重失音麻黃不去根節杏仁不去皮炙甘州不去皮各一錢

半右剉作一貼入薑五片水煎服局方

五拗湯

治感風寒咳嗽聲重咽痛三拗湯加荊芥穗桔梗各一錢煎服如上法丹心

加減三拗湯

治風喘嗽麻黃二錢杏仁桑白皮各一錢半甘州一錢蘇子前胡各六分右剉

作一貼入薑三片水煎服入門

寒嗽

寒傷肺者咳則胃緊聲啞入門。脈緊增寒發熱無汗惡寒煩燥不渴遇寒而咳醫鑑。風寒者鼻

塞聲重惡寒二陳湯加麻黃杏仁桔梗醫鑑。一

種咳嗽每遇寒則發乃寒包熱也解表則熱自除

枳梗湯即桔梗加麻黃防風杏仁陳皮紫蘇葉木

通黃芩入門。脾肺皆受寒邪則面白脈弦微涎

出口甘水反侮土寡於畏也腹中太寒痰白作泡

口甘涎沫者胃中寒而不和以辛甘熱去之東垣

○寒嗽宜九寶飲率蓋散杏子湯紫蘇飲子橘蘇

飲薑桂九人參欬花膏半夏溫肺湯杏蘇湯白圓

子人參潤肺湯溫肺湯加味理中

湯八味欬冬花散館薑丸諸方

九寶飲

治諸般咳嗽及寒嗽久嗽陳皮薄荷麻黃桂皮桑白皮紫蘇葉杏仁大腹皮甘州各一錢

右剉作一貼入薑五片

梅一箇水煎服簡易

華蓋散

治肺感寒邪咳嗽上氣鼻塞聲重麻黃二錢

炙五分右剉作一貼入薑

二片棗二枚水煎服入門

杏子湯

治感風寒痰盛咳嗽尤宜冷嗽人參半夏赤

茯苓白芍藥細辛乾薑桂皮杏仁五味子各

一錢甘艸五分右剉作一貼入薑

五梅一水煎服加麻黃尤佳易簡

紫蘇飲子

治脾肺虛寒咳嗽痰盛紫蘇葉桑白皮青

皮杏仁五味子麻黃陳皮甘艸各一錢入

參半夏各六分右剉作一

貼入薑三木煎服丹心

橘蘇散

治傷寒咳嗽身熱有汗脉浮數服杏子湯不

得者宜服此橘紅紫蘇葉杏仁白朮半夏桑

白皮母五味子各一錢甘艸五

分右剉作一貼薑三木煎服濟生

薑桂丸

治寒痰咳嗽桂皮二兩南星半夏並製各一

兩右為末薑汁浸蒸餅和丸菘豆大薑湯下

三五十五
丸易老

人參欵花膏

治肺胃虛寒久嗽不已欵冬花人參五
味子桑白皮紫苑各二兩右為末蜜丸

芡實大每一丸以淡薑

湯嚼下含化亦得

半夏溫肺湯

治虛寒咳嗽中脘有痰水冷氣心下汪
汪嘈雜多唾清水脉沈弦細遲此胃虛

冷也半夏細辛桂心旋覆花陳皮人參桔梗白芍

藥甘艸各一錢赤茯苓六分右剉作一貼入薑五

木煎服

入門

杏蘇湯

治傷風寒咳嗽痰盛杏仁紫蘇葉桑白皮陳
皮半夏貝母白朮五味子各一錢甘艸五分

右剉作一貼入薑

五木煎服得效

人參潤肺湯

治傷寒咳嗽人參乾葛桔梗白芷麻黃
乾薑白朮甘艸各一錢右剉作一貼薑

三蔥二煎

服丹心

溫肺湯

治肺虛客寒喘咳嘔吐痰沫乾薑桂皮半夏
陳皮五味子杏仁甘州各一錢細辛阿膠珠

各五分右剉作一貼入薑三棗二水煎服 直指

加味理中湯

治肺胃俱寒咳嗽入參白朮乾薑甘州
赤茯苓半夏陳皮細辛五味子各一錢

右剉作一貼入薑三棗二水煎服 丹心

八味欬冬花散

治肺經寒熱不調涎嗽不已桑白皮
紫苑葶苈子甘州各一錢半疑冬花

去滓入黃蠟皂角子大再煎熔化服之 丹心

飴薑丸

治冷嗽黑糖一斤乾薑細末四兩右先熔糖
次下薑末和勻待凝作片常常嚼下 部集

蒸嗽

傷於暑熱而得咳則日燥聲嘶吐沫入門傷暑
咳者脉數煩熱引飲口燥或吐涎沫聲嘶咯血

鑒。凡咳嗽面赤胃腹脹常熱惟是乍有涼時其脈洪滑者熱痰在內也宜小陷胃湯方見寒門能治熱嗽胃滿綱目。熱嗽宜辰砂六一散方見暑

門洗肺散人參瀉肺湯貝母散參朮調中湯芩半

丸小黃丸黃連化痰丸四汁膏諸方

洗肺散

治咳嗽痰盛有熱肺氣不清利半夏三錢黃芩二錢天門冬麥門冬五味子各一錢半杏仁一錢甘艸五分右剉作一

貼入薑五片木煎服丹心

人參瀉肺湯

治熱嗽即原膈散方見火門去朴確加人參枳殼桔梗杏仁桑白皮等分剉煎

服入門

貝母散

治火嗽久嗽杏仁三錢款冬花三錢知母一錢半貝母桑白皮五味子甘艸各二錢右剉

作一貼入薑三片木煎服入門

片木煎服入門

參朮調中湯

除熱補氣止咳定喘和脾胃進飲食桑

白皮一錢黃芪八分人參白朮白茯苓

甘州各六分地骨皮麥門冬陳皮各四分青皮

二分五味子二十粒右剉作一貼水煎服 東垣

芩半丸

治熱嗽生痰黃芩半夏各一兩右為末薑汁

小黃丸

治熱痰咳嗽脉洪面赤煩渴黃芩一兩半南

星半夏並製各一兩右為末薑汁浸蒸餅和

丸梧子大薑湯下 易老

黃連化痰丸

治熱痰咳嗽黃連吳茱萸各一錢半陳

皮五錢半夏一兩半右為末薑汁糊和

丸棗豆大薑湯吞 丹心

四汁膏

止咳嗽消痰降火雪梨汁藕汁生蘿蔔汁生

薄荷汁右等分入砂糖屑和勻慢火熬成膏

以匙抄服入門

溼嗽

溼勝肺者咳則身重骨節煩疼洒淅入門。○溼傷咳者脉細骨節煩疼四肢重著或有汗小便不利

醫鑿。○溼嗽宜不換金正氣散。方見寒門。白朮湯白朮丸。

白朮湯

治溼嗽痰多身體重著脉濡細白朮三錢半夏橘紅白茯苓五味子各一錢半甘艸五分

右剉作一貼入薑

五水煎服。濟生。

白朮丸

治溼痰咳嗽身重脉緩白朮一兩半南星半夏並製各一兩右末薑汁糊和丸薑湯下五

七下丸

易老

鬱嗽

即火咳甚者乾咳而無痰乃腎水焦枯邪火獨炎於肺宜瀉白散。方見五藏。清化丸訶梨勒丸震天

膏。方見吐門。

○火鬱者有聲痰少

面赤者是也宜用清金降火湯

清化丸

治肺鬱痰嗽睡不安貝母一兩杏仁五錢青黛三錢右為末砂糖入薑汁糊和丸彈子大

喻化丹心

訶黎勒丸

治勞嗽乾嗽及肺脹喘急訶子皮五錢海粉瓜萸仁青黛杏仁貝母便香附各二錢

半右為末薑汁和蜜為丸櫻桃大含化徐徐嚥下入門

清金降火湯

治熱嗽能瀉肺胃之火火降則痰消嗽止陳皮杏仁各一錢半赤茯苓半夏桔

梗貝母前胡瓜萸仁黃芩石膏各一錢枳殼八分甘州三分右剉作一貼入生薑三片水煎服食後醫鑿

勞嗽

虛勞咳嗽也。勞嗽者盜汗出兼痰多作寒熱宜補陰清金四物湯加竹瀝薑汁。陰虛火動而嗽

四物合二陳加黃柏知母。陰虛喘嗽或吐血四物加黃柏知母五味子麥門冬桑白皮地骨皮

鑿。好色之人元氣虛弱咳嗽不愈宜瓊玉膏。見身形治虛勞乾咳嗽最捷丹心。勞嗽宜入參

清肺湯加味二母丸人參芎歸湯加味人參紫苑
散潤肺丸補肺湯溫金散大寧嗽湯知母湯寧嗽
膏大阿膠丸諸方○酒色過度虛勞少血津液內
耗心火自炎遂使燥熱乘肺咯唾膿血上氣涎潮
其嗽連續而不已須用六味地黃丸方
見虛勞加橘紅貝母黃柏知母入門

人參清肺湯

治久嗽勞嗽及肺痿唾血腥臭人參桑
杏仁桔梗甘州各一錢右剉作二貼入大棗烏梅

杏仁桔梗甘州各一錢右剉作二貼入大棗烏梅
各一枚水煎去滓入蜜一匙攪勻澄清吸服得效

○一名人參
清肺飲入門

加味二母丸

治久嗽勞嗽食積嗽知母貝母同巴豆
炒黃色去巴豆同二母散法入日礬白

芩四味等分右為末和薑汁入蜜為丸芩實大
含化嚥下或加麥門冬陳皮阿膠珠亦好入門

人參芎歸湯

治乾嗽因虛勞少血燥熱乘肺咯唾膿
血動輒胃寒咳嗽當歸川芎白芍藥各

一錢半赤茯苓人參半夏陳皮阿膠珠細辛五味子
甘草各七分右剉作一貼薑二棗二水煎服
直

加味人參紫苑散

治虛勞咳嗽人參五味子紫苑茸陳皮紫蘇葉貝母桑白皮白茯苓

各一錢杏仁甘草各七分半加川芎半夏麴各一錢
阿膠珠五分右剉作一貼薑五棗二梅一水煎服
直指

潤肺丸

治燥痰乾嗽勞嗽貝母一兩瓜蒌仁青黛各五錢
右為末薑汁蜜調成膏噲化丹心

補肺湯

治勞嗽桑白皮蜜炒熟地黃各三錢人參紫苑黃芪五味子各一錢
右剉作一貼水煎入

蜜一匙
服丹心

溫金散

治勞嗽防風桑白皮黃芩甘草各一兩杏仁去皮光二十一粒
人參茯苓神冬同為末每取三錢入黃蠟大豆

二錢半右取前五味入米泔水浸一宿曬乾次入人參茯苓神冬同為末每取三錢入黃蠟大豆

許煎服

丹心

大寧嗽湯

治勞嗽神效，半夏二錢，五味子赤茯苓桑白皮紫蘇葉陳皮枳殼杏仁阿膠珠鷲粟

殼蜜炒各一錢，細辛甘艸各五分，右剉作一貼，入薑三棗二梅一木煎服。丹心

知母湯

治虛勞咳嗽唾膿血，心肺有熱，黃芪蜜炙一錢，半白芍藥生乾地黃黃芩麥門冬人參白

茯苓桔梗知母各一錢，甘艸五分，右剉作一貼，入薑三片，竹葉三片，小麥一撮，水煎服。丹心

寧嗽膏

治陰虛火動咳嗽咯血，天門冬白朮各八兩，百部根杏仁貝母百合各四兩，款冬花五兩

紫苑三兩，右麤剉，以長流水一升煎取三升，又易新水煎取三升，如此三次，合取汁入，餽糖八兩，蜜

一六兩，再熬入阿膠四兩，白茯苓細末四兩，兩和勻成膏，每服三五匙，不以時。醫鑒

大阿膠丸

治虛勞咳嗽吐唾血發熱消瘦，山藥五味子熟地黃阿膠珠白茯苓各一兩，麥門冬

丹參貝母防風扶神栢子仁百部根杜仲各五錢
遠志人參各二錢半右為末蜜和作丸彈子大每
一九以小木略煎

和滓呷服 局方

食積嗽

因食積生痰咳嗽胃滿噎酸宜二陳湯加厚朴
山查子麥芽入門。食積嗽非青黛瓜萸實不

除又云有食積人面青白黃色不常面上如蟹爪
路一黃一白者是也。食積痰嗽發熱者半夏南

星並製為君瓜萸實蘿蔔子為臣青黛石礮為使
薑汁糊為丸服 丹心。一方三補丸 苳連栢也加

二母炒知母貝母為末水丸椒核大以竹瀝藕汁
吞之 丹心。食積嗽宜瓜萸丸青金丸二母寧嗽

湯温脾湯香 附丸 諸方

瓜萸丸

治食痰壅滯喘嗽瓜萸實半夏麴山查子神
麴各等分右為末瓜萸瓢水和丸竹瀝薑湯

下五七十

丸 丹心

青金丸

治食積火鬱嗽劫藥也貝母知母各五錢巴豆霜五分右末薑汁糊和丸青黛為衣白湯

下五七丸丹心

二母寧嗽湯

治傷飲食胃火上炎衝逼肺氣痰嗽久不愈一服即差石膏二錢貝母知母各

一錢半梔子黃芩各一錢二分桑白皮赤茯苓瓜蒌仁陳皮各一錢枳實七分生甘州二分五味子

十粒右剉作一貼薑三煎服醫鑿

溫脾湯

治食飽則咳甘州四兩大棗二十枚右剉木五升煮至二升分三服千金

香附丸

治食積痰嗽蒼朮三兩香附子一兩半蘿蔔子炒瓜蒌仁杏仁半夏各一兩黃芩赤茯苓

各五錢川芎三錢右為末薑汁糊和丸淡薑湯下五七十九丸正傳

氣嗽

七氣積傷成咳嗽痰涎凝結或如敗絮或如梅核滯塞咽喉咯不出嚥不下婦人多有之入門氣

嗽宜蘇子降氣湯方見氣門加味四七湯方見神

星香九橘
薑丸諸方

團參飲子

治七情咳嗽勞傷肺脾多唾膿血漸成肺痿將作勞瘵人參半夏紫苑阿膠珠百合

欵冬花天門冬杏仁經霜桑葉各一錢細辛甘艸各五分五味子十五粒右剉作一貼薑三煎服濟生

青龍散

治咳上氣不得臥人參陳皮紫蘇葉丹心

三子養親湯

治咳嗽氣急養脾進食紫蘇子蘿蔔子白芥子各一錢紙上微炒研煮湯飲勿

煎太過味苦入門

蘇子煎

治老虛人上氣咳嗽紫蘇子一升別搗為末杏仁去皮尖雙仁一升別研為泥生薑汁生

地黃汁白蜜各一升蘇杏二味以二汁澆之絞取汗其滓再搗再絞令味盡出乃合蜜攪勻盛器中

重湯煮如錫每服一大匙日三合
或去地黃汁代竹瀝亦佳
奇效

玉粉丸

治氣痰咳嗽喘急陳皮二兩南星半夏各一兩右為末以薑汁浸蒸餅和丸薑湯下五七

十九丸
易老

星香丸

治氣嗽生痰南星半夏各三兩白礬一兩研和水浸二味一宿陳皮五兩泔浸一晝夜去

白取三兩香附子三兩皂角水浸一伏時晒乾右不見火為末薑汁糊和丸梧子大薑湯下五七十

丸此乃家傳祕方累驗丹心

橘薑丸

治久患氣嗽聖藥陳皮生薑同搗焙乾各二兩右為末神麴二兩作糊和丸梧子大米飲

下三五丸
入門

痰嗽

者痰出嗽止胃膈多滿蓋溼痰在胃上干於肺則必作咳嗽入門。痰嗽者嗽動便有痰聲痰出則

嗽止也丹心。痰鬱肺經咳則涎多二陳湯加枳

殼枯梗瓜蒌仁黃芩貝母又用半瓜丸。寒熱交

作而痰嗽者小柴胡湯方見寒門加知母白芍藥

五味子桑白皮正傳。痰盛有熱宜滾痰丸方見

痰門。痰嗽宜洗肺散橘甘散滴油散二母散

玉芝丸澄清飲三聖丹藍漆煎安肺散人參散

半瓜丸

治痰嗽半夏瓜蒌仁各五兩貝母桔梗各二兩枳殼一兩半知母一兩右為末薑汁浸蒸

餅和丸梧子大薑湯下五七十九丸半夏

須久浸薑汁炒黃色否則辣喉正傳

橘甘散

治氣嗽痰嗽甚效橘皮生薑焙乾神麩炒各等分右為末溫水和丸梧子大米飲下五七

十九日
再正傳

滴油散

治痰嗽面浮如盤蚌粉新瓦上炒令通紅放地上出火毒每半兩加青黛一錢以淡養水

滴入麻油數點

調服即愈醫說

玉芝丸

治風熱痰盛咳嗽聲重半夏麴六兩人參薄
荷白茯苓白礬枯南星泔浸焙各三兩右為

末薑汁煮麴糊和丸梧子

大薑湯下五七十九丸得效

澄清飲

治痰嗽服他藥不效者南星半夏並製蚌粉
知母貝母白礬各一錢右剉作一貼薑五煎

澄清徐徐
服得效

三聖丹

治久痰嗽極效半夏製二兩南星煨一兩甘
艸庄半兩右以半星二味為末薑汁拌勻倉

作麴冬十夏五春秋七日取出再為末入甘艸末

和勻竹瀝一椀拌和作餅子焙乾又將竹瀝沃溼

焙乾如此十數次以竹瀝盡為度再研為末煉蜜

調和如飴臨臥抄一匙於口內噙化以竹瀝漱口

嚥下
正傳

藍漆煎丸

治痰嗽藍漆二兩人參杏仁胡桃肉各一
兩右為末蜜丸彈子大每一丸薑湯或米

飲嚼下
部集

安肺散

治痰嗽不問新久驚粟殼炒黃色四兩麻黃
甘州炒各二兩右龜末每三錢烏梅一箇同

煎服
綱目

人參散

痰嗽通用半夏麴二錢人參桔梗五味子細
辛枳殼赤茯苓杏仁各一錢甘州五分右剉

作一貼入薑五梅
一水煎服
丹心

白圓子

治風痰嗽有一種咳嗽直至頓吐飲食痰物
俱出盡方小定此乃肝木剋脾土風痰壅盛

所致宜以白丸子方作生料
方見風門
加木香丁香
香橘紅天麻全蝎白殭蚕水煎和薑汁服
丹心

乾嗽

乾咳者無痰有聲是也此證本於氣溢溢微者
連咳十數聲方有痰出溢甚者雖咳十數聲亦無
痰出是為乾咳嗽也
綱目
乾咳者肺中無津液
也入門
乾咳嗽極難治此係火鬱之證乃痰鬱

燥

八

血嗽

火邪在肺中用苦桔梗以開之下用補陰降火之劑不已則成勞頌行倒倉法此不得志者有之用四物湯加竹瀝炒黃柏之類丹心。燥痰不出者用蜜水吐之蜜煎注薑湯蜜煎陳皮湯燒生薑胡椒方皆治無痰而嗽者以辛甘潤其肺也易老。治乾嗽補肺注地黃二斤洗淨杏仁二兩注薑蜂蜜各四兩右搗如泥盛磁器置飯上蒸五七度每於五更挑三匙本事。又方白蜜一斤注薑二斤取汁先秤銅器知斤兩訖內蜜復秤知數次內薑汁以微火煮令薑汁盡惟蜜斤兩在則止每服如棗子大含化日三千金。乾嗽近用瓊玉膏方見身形潤肺散加味二母丸訶黎勒丸抑痰丸方見痰門

痰血咳嗽者喉間有腥氣或吐唾血痰因打撲傷損而致四物湯加大黃蘇木為末酒調服或水煎服入門。生桃仁七粒以韭汁送下最佳丹心。血嗽近服人參百合湯桑皮散常歸飲諸方

人參百合湯

治勞嗽吐紅白痰白茯苓百合阿膠珠
天門冬各一錢白芍藥人參五味子黃

芪半夏杏仁各七分細辛紅花桂皮甘

艸各三分右剉作一貼水煎服諸方

桑皮散

治上焦有熱血壅腥悶嗽聲連併氣不得透
甘艸一錢半薄荷桔梗川芎防風桑白皮黃

芩前胡紫蘇葉柴胡赤茯苓枳殼各八分

右剉作一貼入薑三片棗二水煎服直指

當歸飲

因打撲損傷肺氣咳嗽吐黑血大黃蘇木生
乾地黃當歸赤芍藥各等分右為末每三錢

溫酒調

服得效

酒嗽

酒性大熱因傷引飲冷與熱凝於胃中不散而成
溼故痰作咳嗽保命○飲酒多咳嗽青黛瓜萸仁

右為末薑汁煉蜜和丸櫻桃大常常含化散肺毒

丹心○酒傷肺成痰嗽以竹瀝煎紫蘇入韭汁就

吞瓜萸杏連丸又

宜蜂薑丸入門

瓜萸杏連丸

治酒痰嗽瓜萸仁杏仁黃連各等分右為末以竹瀝薑湯煮糊和丸服丹心

蜂薑丸

治酒痰嗽及積痰久嗽留肺腕粘滯如膠氣不升降便香附白強蠶炒海蛤粉瓜萸仁蜂

房杏仁神麩各等分右為末以薑汁竹瀝入蜜和

丸櫻桃大含化嚥下丹心。一方無香附有茜根門人

久嗽

乃積痰久留肺腕粘滯如膠氣不升降或挾溼與酒而作丹心。久嗽宜蜂薑丸加味二母丸人參

清肺湯貝母湯九仙散人參欬花散天鼠散清肺

肺湯馬兜鈴丸加味百花膏潤肺除嗽飲諸方

貝母湯

治諸般久嗽貝母薑製乾薑生五味子陳皮半夏製柴胡桂心各五錢黃芩桑白皮各二

錢半木香甘艸各一錢二分半右麩末每五錢入

製杏仁七箇生薑七片水煎服。一婦患積年嗽

服此一貼即

愈神效本事

九仙散

治久嗽乃收功後藥收斂之劑也鴛粟殼蜜炒二錢人參疑冬花桑白皮桔梗阿膠珠五

珠子各一錢貝母半錢右剉作一

人參欵花散

治久嗽鷲粟殼蜜炒黃色一兩人參欵冬花各五錢知母貝母半夏製各三錢

右為釐末每五錢烏梅一箇同水煎服綱目

天鼠散

治久咳嗽上氣十年諸藥不差蝙蝠除翅足燒令焦為末和飲服之妙綱目

清肺湯

治久嗽及痰嗽肺脹嗽黃芩一錢半桔梗赤茯苓桑白皮陳皮貝母各一錢當歸天門冬

梔子杏仁麥門冬各七分五味子七粒甘艸三分右剉作一貼薑三棗二水煎服回春

馬兜鈴丸

治久嗽神效馬兜鈴半夏杏仁各一兩別研巴豆二十一粒去皮心油別研右細末

和勻以皂角煎膏和丸梧子大雄黃為衣以烏梅湯下十丸以利為度易老

加味百花膏

治久嗽不愈紫苑欵冬花各一兩百部根五錢右為末每三錢薑三梅一煎湯

調下食
後入門

潤肺除嗽飲

治遠年咳嗽如神欵冬花紫苑茸麻黃
陳皮石膏粉桔梗半夏桑白皮枳殼烏

梅肉鸞粟殼各七分人參杏仁薄荷生甘艸各五
分五味子九粒右剉作一貼薑三片細茶一撮同

煎服

正傳

火嗽

火嗽有聲痰少面赤者是或煩渴引飲脉洪數丹
心○火嗽宜貝母散清肺飲柴胡枳桔湯清金降

火湯二母寧嗽湯抑心清肺丸玄霜雪梨
膏人參清鎮丸滋陰清化膏海青丸 諸方

清肺飲

治肺熱咳嗽前胡荆芥桑白皮枳殼各一錢
知母貝母薄荷赤茯苓梗紫蘇葉阿膠珠

杏仁天門冬甘艸各七分右剉作
一貼入薑三梅一水煎服 直指

柴胡枳桔湯

治傷寒胃脇痛潮熱咳嗽喘痰盛麻黃杏
仁枳殼桔梗柴胡黃芩半夏知母石膏

乾葛各一錢甘艸五分右剉
作一貼入薑三水煎服 醫鑑

抑心清肺丸

治肺熱咳嗽咯血卽黃連阿膠丸也 方
見大便蓋黃連赤茯苓能抑心火肺得

其清則嗽
自止 醫鑑

玄霜雪梨膏

治勞嗽久不愈消痰止咳生津止咯唾
血雪梨六十箇去心皮取汁二十鍾酸

者勿用藕汁十鍾生地黃汁十鍾麥門冬煎取汁
五鍾生蘿蔔汁五鍾茅根汁十鍾右汁重濾去滓
火上煎煉入蜜十六兩飴糖八兩柿霜八兩薑汁
半盞火上再熬如稀糊則成膏矣每服三五匙 醫鑑

人參清鎮丸

治熱止嗽消痰定喘柴胡人參各一兩
半生黃芩半夏甘艸各七錢半麥門冬

三錢陳皮五味子各二錢青黛六錢右末
水糊和丸梧子大白湯下三五丸 正傳

滋陰清化膏

止咳嗽清痰火滋化源肺腎乃人身之
化源也生地黃熟地黃並酒浸天門冬

麥門冬各二兩黃栢鹽酒炒一兩半白茯苓山藥
枸杞子白芍藥酒炒知母鹽酒炒玄參薏苡仁炒
各一兩五味子七錢甘艸生五錢右爲末蜜丸彈
于大每一丸空心噲化嚥下。痰嗽甚加陳皮貝
母各一
兩回春

海青丸

治火鬱嗽及肺脹氣急急重訶子皮海蛤粉
瓜萸仁青黛半夏製便香附各一兩右爲末

以薑汁浸蒸餅和丸菘豆

大薑湯下三五丸

夜嗽

夜間咳嗽屬陰虛宜降陰分火入門。陰分嗽者
多屬陰虛治之用知母止嗽勿用生薑以其辛散

故也。凡夜嗽久嗽多屬腎氣虧損火炎水

涸或津液涌而爲痰須用六味地黃丸

加黃栢知母天門冬貝母橘紅以滋化源滋陰降

火湯方見火門亦佳。夜嗽宜用滋陰清化

膏麻黃蒼

赤湯諸方

麻黃蒼朮湯

治秋冬夜嗽不絕至曉方緩口苦胃痞

赤五錢黃芪一錢半艸豆蔻六分柴胡羌活各五

分防風當歸梢生甘艸各四分炙甘艸黃芩各三

分五味子十五粒右剉

分作二貼水煎服東垣

天行嗽

時令不正人多感冒咳嗽宜人參飲子一服散

人參飲子

治天行咳嗽痰盛寒熱人參桔梗五味子

右剉作一貼薑五水煎服寒暑之交氣盛人衣

厚作壅忽痰盛微熱此藥最宜若作感冒發其汗

必成大病此方佳處在赤茯苓能導

心熱枳殼能疎肺壅故易為效丹心

一服散

治時行暴嗽大半夏三箇杏仁七箇鴛粟殼

葉甘艸一錢右剉作

一貼水煎服得效

通治咳嗽藥

咳而無痰者以辛甘潤其肺故咳嗽治痰為先治痰者下氣為上是以南星半夏勝

其痰而咳嗽自愈枳殼橘紅利其氣而痰飲自下

痰而能食者小承氣湯方見寒門微利之痰而不

能食者厚朴湯方未詳疎導之夏月嗽而發熱者

謂之熱嗽小柴胡湯四兩入石膏一兩知母五錢

冬時嗽而發寒者謂之寒嗽小青龍湯加杏仁此

治法之大體也易老○咳之為病有一咳即出痰

者脾溼勝而痰滑也有連咳十數不能出痰者肺

燥勝痰溼也滑者宜南星半夏皂角灰之屬燥其

脾溼者宜枳殼紫蘇杏仁之屬利其肺丹心○外

感久則鬱熱內傷久則火炎俱宜開鬱潤燥入門

○嗽而脇下痛宜以青皮疎肝氣兼用白芥子之

類後以二陳湯加南星香附青皮青黛薑汁糊為

丸服丹心○二陳湯治咳嗽去痰伐病根之藥除

陰虛血虛火盛乾咳嗽者勿用丹心○咳嗽通用

清金飲五諸方

嗽丸諸方

清金飲

治諸般咳嗽杏仁白茯苓各一錢半橘紅一錢二分五味子桔梗甘州各一錢右判作一

貼木煎服必用杏仁五味子湯

明醫

備急五嗽丸

一日氣嗽二日飲嗽三日燥嗽四日冷嗽五日邪嗽晝夜不止面目浮腫飲食

不下肉桂乾薑皂莢各等分右為末

蜜丸梧子大溫水下十五丸

司方

喘證有八

喘急者氣因火鬱而成稠痰在肺胃也
喘者火氣甚則氣盛而息斂也
咳者呼

吸急促者謂之喘喉中有聲響者謂之哮虛者氣

乏身冷痰如冰實者氣壯胃滿身熱便硬入門

喘者肺主氣形寒飲冷則傷肺故其氣逆而上行

衝衝而氣急喝喝而息數張口擡肩搖身滾肚者

是為喘也明理有起居如故而息有音者乃肺

之絡脉逆而不得隨經上下故也入門火氣甚

為夏熱衰為冬寒故病寒則氣衰而息微病熱則

氣盛而息麤又寒水為陰主乎遲緩熱火為陽主

乎急數是以寒則息遲氣微熱則息數氣盛而為喘也河間○喘非風寒傷肺則痰火脹肺風寒則祛散痰火則疎導但火急者亦不可純用苦寒立溫以劫之劫藥見下入門○凡喘未發以扶正氣為主已發以散邪為主丹心○喘有風寒喘痰喘氣喘火喘水喘久喘胃虛喘陰虛喘諸病發喘嗽通治喘嗽藥方

風寒喘

尋常感冒風寒內鬱肺脹逆而為喘風宜金沸

上○寒宜加味三拗湯人參定喘湯小青龍湯方見

見寒門參蘇溫肺湯五味子湯九味理中湯五虎

湯止喘丸諸方○冷喘則遇寒而發醫鑿○肺

寒肺虛必有氣乏表怯冷痰如冰之證醫鑿

麻黃散

治傷風喘急痰壅涕唾稠粘麻黃二錢桂皮一錢二分欬冬花訶子皮甘艸各一錢杏仁

六分右剉作一貼入細

茶一錢水煎服得效

人參潤肺散

治感風寒咳嗽喘急痰壅鼻塞麻黃二錢貝母杏仁各一錢半人參甘州各二

錢桔梗阿膠各五分橋紅一分半右到作一貼入紫蘇葉二片同煎服丹心

人參定喘湯

治肺感寒邪喘急亦治咳嗽暨粟殼蜜炒二錢五味子一錢半麻黃人參半夏

阿膠珠甘州各一錢桑白皮五分右到作一貼薑三煎服得效

參蘇溫肺湯

治形寒飲冷則傷肺喘喝煩心胃滿短氣人參紫蘇葉肉桂木香五味子陳皮

半夏桑白皮白朮白茯苓各一錢甘州五分右到作一貼薑三水煎服東垣

五味子湯

治寒喘麻黃二錢五味子杏仁橋紅各一錢半乾生薑桂皮甘州各一錢右到作一

貼紫蘇三葉煎服直指

加味三拗湯

治寒喘麻黃二錢陳皮二錢半杏仁五味子各一錢二分桂皮一錢甘州五分

右剉作一貼薑
三煎服得效

九味理中湯

治寒喘寒喘者手足冷脉沈細也縮砂
研乾薑炮蘇子厚朴桂皮陳皮甘芩炙

各一錢沈香木香各五分並水磨取汁右剉
作一貼薑三水煎入沈香木香汁調服

五虎湯

治傷寒喘急麻黃三錢石膏五錢杏仁二錢
甘州一錢細茶一撮桑白皮一錢半右剉作

一貼入薑三片蔥白
一莖水煎服

止喘丸

治冷喘華撥胡椒人參胡桃肉各等分右為
末蜜和兩作三十九丸每一丸細嚼溫水下

痰喘

痰喘者凡喘便有痰聲入門○肺實肺熱必有壅
盛胃滿外關上矢之狀

縉導痰湯加減三奇湯貝母散平肺散紫蘇半夏
湯定喘化痰湯潤肺膏蘇子導痰降氣湯大蘿皂

丸祛痰丸諸方○凡喘正發時無痰而將愈時卻
吐痰者乃痰在正發之時閉塞不通而喘當其時

開其痰路則易安宜桔梗瓜蒌仁枳殼杏仁蘇葉
前胡等引出其痰然後調其虛實實者用沈香滾
痰丸方見痰門虛者

補以參芪歸朮綱目

千緡湯

治痰喘數服即安半夏七枚炮四破皂角炙
甘州炙各一寸南星炮一錢右剉作一貼薑

五水煎服纂要

千緡導痰湯

治痰喘不能臥一服即安半夏七枚炮
切作四片南星陳皮赤茯苓枳殼各一

錢皂角甘艸各一寸並炙右剉作
一貼入生薑五片水煎服醫鑑

加減三奇湯

治咳嗽上氣痰涎不利半夏二錢桔梗
陳皮青皮人參桑白皮紫蘇葉杏仁五

味子各一錢甘艸五分右剉
作一貼入薑三木煎服東垣

貝母散

治熱嗽及痰喘辰時服酉時
可安即上二母散也得效

平肺散

治喘嗽痰盛寒熱往來咽乾口燥陳皮一錢
半夏鴛粟殼薄荷紫蘇葉烏梅肉紫苑知母

桑白皮五味子杏仁桔梗各七分甘州

五分右剉作一貼薑三水煎服 丹心

紫蘇半夏湯

治喘嗽痰盛寒熱往來桑白皮二錢杏
仁一錢半半夏陳皮紫蘇葉五味子紫

苑各一錢右剉作一

貼薑三水煎服 丹心

定喘化痰湯

治咳嗽痰喘陳皮三錢半夏南星並製
各一錢半杏仁一錢五味子甘州各八

分欵冬花人參各七分右剉

作一貼薑五片水煎服 丹心

潤肺膏

治同上紫苑杏仁欵冬花各一兩麻黃桔梗
訶子細辛各五錢枯日礬一錢胡桃肉一兩

生薑二兩取汁清油八兩蜜一斤右先將油煉熟

次入蜜煉去沫卻下藥末攪勻每服二三匙白湯

調下臨臥

時丹心

蘇子導痰降氣湯

治痰喘上氣蘇子二錢半夏當歸各一錢半南星陳皮各一錢前胡

厚朴枳實赤茯苓各七分甘草五分
剉作一貼入薑三棗二水煎服必用

大蘿皂丸

治氣喘痰喘風痰食痰酒痰麩毒等證蘿
子炒二兩皂角燒存性一兩南星半夏

並製杏仁瓜蒌仁使香附青黛陳皮各五錢右為
末神麩糊和丸梧子大薑湯吞下六七十丸入門

祛痰丸

治風痰喘嗽人參木香天麻陳皮赤茯苓青
皮白朮各一兩皂角九錢槐角子半夏各七

錢半右為末薑汁糊和丸梧子大每
五七十丸溫酒或薑湯吞下丹心

氣喘

七情所傷氣急而無聲響。驚憂氣鬱傷陽悶
引息鼻張呼吸急促而無痰聲者是也入門。喘

者上氣急促不能以息之謂也醫。氣虛氣短
而喘不可用苦寒之藥火盛故也宜用人參蜜炙

黃栢麥門冬地骨皮之類丹心。氣實人因服黃
芪過多而喘用三拗湯方見上以瀉其氣丹心。

氣喘五加味四七湯方見神門四磨湯六磨湯清

金湯蘇子降氣湯方見氣門加味白朮散定肺湯

杏仁半夏湯杏蘇飲調降湯加味

四君子湯沈香降氣湯方見氣門

四磨湯

治七情鬱結上氣喘急人參檳榔沈香烏藥
右各等分濃磨水取七分盞煎三五沸飲溫

服不拘
時東垣

六磨湯

治同上又治胃中氣膈甚當四磨湯加
木香枳殼等分製法服法同上東垣

清金湯

治咳嗽喘急胃滿氣逆坐臥不安陳皮赤茯
苓杏仁阿膠珠五味子桑白皮薏苡仁紫蘇

葉百合貝母半夏麴豨冬花各七分罌粟殼人參
甘州各三分右剉作一貼入薑三棗二梅一箇同

煎服

加味白朮散

治氣虛喘急飲食不進又治喘嗽飲酒
必發者即參苓白朮散方見內傷加陳

皮半夏各一錢右作一服入薑
三片桑白皮七寸同煎服得效

定肺湯

治上氣喘嗽紫苑茸五味子橘皮蘇子杏仁
桑白皮半夏枳殼甘州各一錢右剉作一貼

入薑五片紫蘇五
葉水煎服直指

杏仁半夏湯

治肺氣不足喘嗽杏仁半夏桔梗陳皮
赤茯苓防已桑白皮白礬各一錢皂角

薄荷各五分甘州一寸右鹿
未作一貼薑三水煎服丹心

杏蘇飲

治上氣喘嗽浮腫紫蘇葉二錢紫苑甘州各
一錢陳皮桔梗麻黃桑白皮阿膠珠各七分

半五味子大腹皮烏梅肉杏仁各五分
右剉作一貼入薑五片水煎服丹心

調降湯

治喘嗽上氣枳殼一錢三分甘州一錢半夏
桔梗赤茯苓青皮陳皮蘇子檳榔葶藶子炒

各七分白豆蔻木香縮砂紫蘇葉各
五分右剉作一貼薑五水煎服直指

加味四君子湯

治氣喘人參白朮各一錢三分甘州

砂蘇子桑白皮各六分沈香木香各五分並水磨

取汁右剉作一貼入薑三棗二水煎和二香汁調

服回春

火喘

手太陰之脉是動則肺脹滿膨膨而喘咳所生病者咳嗽上氣喘喝煩心胃滿靈樞○是皆衝脉之

火行于胃中而作也○平居則氣平和行動則氣

促而喘者是衝脉之火上攻也有老人素有喘或

吐唾血痰平居則不喘稍行動則氣促喘急以滋

腎丸方見小便空心服七八十丸其證大減此泄

衝脉之火邪故如此其效也東垣○火炎於肺胃

而喘者乍進乍退得食則減食已則喘大槩胃中

有實火膈上有稠痰食入於咽墜下稠痰喘即暫

止稍久食已入胃反助其火痰再升上喘及大作

俗不知此作胃虛治以燥熱之藥以火濟火也昔

葉都督患此諸藥不愈後以導水丸方見下門利

五六次而安丹心。○熱喘者發于夏不發于冬醫

鑒。○火喘用白虎湯方見寒門加瓜蒌仁枳殼黃

芩煎服神效又雙玉散亦效綱目。○火喘以導痰

湯方見痰門加芩連梔子杏仁瓜蒌仁以清金降

火消痰入門。○火喘宜麥門冬湯加減瀉白散滋

陰降火湯方見火門加味生脈散瀉火清肺湯玉

液散玉華散諸方。○華佗云盛則為喘減則為枯

活人書云發喘者氣有餘也凡看文字須會得本

意肺氣若盛而有餘則當清肅下行而不喘以其

火入于肺衰與不足而為喘焉故言盛者言肺中

之火盛也有餘者言肺中之火有餘也

故瀉肺火以苦寒之劑實補肺也綱目

雙玉散

治熱喘痰涌如泉寒水石石膏各等分
右為細末每取三錢人參湯調下保命

麥門冬湯

治火喘麥門冬三錢半夏二錢人參一錢
甘艸五分粳米一合大棗三枚右剉作一

貼水煎服日二仲景。○肺脹滿膨膨而喘咳者多

用五味子而人參次之麥門冬又次之黃連少許

甚則交兩手而脅者真氣大虛也若氣短加黃芪
五味子人參若氣盛去五味子人參加黃芩荊芥
東垣○一婦素有痰嗽忽一日大喘痰出如泉
身汗如油脉浮而洪似將命絕速用麥門冬四錢
人參二錢五味子一錢半煎服一貼喘定汗止三
貼痰漸少再加瓜蒌仁一錢半白朮當歸芍藥黃
芩各一錢服二十餘貼而安此
門冬五味子人參之功也 本事

加減瀉白散

治陰氣在下陽氣在上咳嘔喘促暴白
皮一錢半地骨皮赤茯苓各一錢二分

人參八分陳皮五味子各五分青皮甘州各
三分粳米一撮右剉作一貼水煎服 東垣

加味生脉散

治脉伏喘促手足厥逆用此救之五味
子三錢人參麥門冬杏仁陳皮各二錢

右剉作一貼入薑五棗二水煎服○氣虛喘甚者
單人參湯頻服之喘定者生不定者死或元氣素
虛傷寒汗下後氣短氣促氣喘目反
脉微精神困怠者危以此救之入門

瀉火清肺湯

治火喘片苓一錢梔子枳實桑白皮陳皮杏仁赤茯苓蘇子麥門冬貝母各八

分沈香五分水磨取汁朱砂五分水飛右剉作一貼水煎入沈香汁朱砂末竹瀝調服回春

玉液散

治喘嗽口乾煩渴瓜蒌根知母貝母炒各一兩人參甘艸各五錢右為末每二錢先熔黃

蠟二錢入米飲同調服之得效

玉華散

治咳嗽上喘清肺氣利咽膈甜葶藶炒桑白皮炒天門冬馬兜鈴半夏紫苑杏仁貝母百

合人參各一錢百部根甘艸各五分右剉作一貼入薑四棗二水煎服丹心

水喘

水氣者漉漉有聲怔忡喘息宜葶藶散入門。病入飲水多必暴喘滿。支飲喘不得息葶藶大棗

瀉肺湯甚效。仲景。水腫腹脹而喘者蓋喘必生

脹脹必生喘。二證相因皆小便不利肺主氣先喘而後脹者宜清金降火而行水。次之脾主溼先脹

而後喘者宜燥溼行水而清金。次之入門。支飲

喘不得臥加短氣倚息其脈平小青龍湯方見寒

也水者循津液而流也腎者水藏主津液主臥與

喘也宜神祕湯綱目○溼熱作喘宜平氣散加減

瀉白散寶鑑○水喘停飲胃膈滿悶

脚先腫也宜平肺湯杏蘇飲諸方

葶棗散

治水喘或面浮葶藶子炒黃為末大棗十枚濃煎去棗調二錢服入門

葶藶大棗瀉肺湯

治肺癰喘不得臥又治支飲喘急葶藶子炒黃色為末蜜和大如彈

丸以大棗二十枚水三升煎取二升去棗入一九

更煎取一升頓服之○孫兆治一人吐痰頃間已

及一升喘咳不已服此一貼已

覺胃中快利略無痰唾矣綱目

神祕湯

治上氣喘急不得臥臥則喘者水氣逆行上

乘于肺肺得水而浮使氣不得流通其脈沈

大宜服此紫蘇葉橘紅桑白皮各二錢人參赤茯
苓半夏各一錢木香五分右剉作一貼入生薑五

片水煎服
日二綱目

平氣散 治溼熱喘急白牽牛頭末二兩半生半炒大黃七錢陳皮去白五錢青皮檳榔各三錢右

細末每三錢薑湯調下。一婦人本肥盛霖雨時因飲酒及滄乳得腹脹喘滿聲聞舍外不得安臥

大小便澁滯氣口脉大兩倍於人迎沈緩有力此因溼熱大盛而為喘邪氣盛則實實者宜下之用

此藥一服減半再服喘止但有胃滿口乾時時咳嗽再與加減瀉白散全愈 寶鑒

加減瀉白散 桑白皮地骨皮知母桔梗陳皮青皮各一錢片苓甘州各五分右剉作一貼水

煎服 寶鑒

平肺湯 肺與腎皆以至陰積水喘急咳嗽蓋水乘之也葶藶子炒二錢桑白皮炒桔梗枳殼半夏

紫蘇葉各一錢麻黃七分半甘州五分右剉作一貼薑五水煎服 直指

久喘

久病氣短不能接續似喘非喘者單人參湯或調中益氣湯方見內傷服之○諸喘久不止宜小蘿

皂丸或人參清肺飲方見上倍入栗殼澁之入門

○久喘未發時服人參半夏丸已發時用沈香滾

痰丸方見痰門累效河間○久喘宜人參紫菀

湯定喘湯蠟煎散金不換散人參潤肺丸諸方

單人參湯

治氣虛喘急人參一兩剉水煎頓服之入

湯一服斬聲除服

至二斤乃愈綱目

小蘿皂丸

治久喘最妙蘿蔔子蒸二兩皂角煨五錢南星以白礬水浸晒瓜萸仁海粉各一兩

右為末薑汁入蜜和勻搗作

丸櫻桃大含化嚥下綱目

人參半夏丸

化痰墜涎止咳定喘治風痰茶痰食痰一切痰病海蛤粉二兩半夏乾薑白礬

寒水石各一兩人參赤茯苓薄荷南星炮各五錢

藿香二錢半右為末水糊和丸梧子大薑湯下三

十九日
三寶星

人參紫菀湯

治咳嗽喘急久不愈鴛粟殼薑製二錢
縮砂一錢半杏仁款冬花各一錢五味

子桂枝各五分人參紫菀甘艸各四分右
剉作一貼入薑五梅一箇水煎服丹心

定喘湯

治肺虛久喘歌日和劑須投定喘湯阿膠半
夏及麻黃人參四兩同甘艸四兩桑皮五味

強鴛粟二錢須蜜炙三錢煎服用生薑多年氣喘
從今愈始信良醫有妙方醫鑒。此方與上人參

定喘湯同但兩
錢之數異宜考

蠟煎散

治虛勞久喘嗽或咯膿血杏仁人參麥門冬
山藥白茯苓貝母百合鹿角膠無則阿甘艸

炙各等分右為麤末每三錢入黃
蠟皂角子大同水煎溫服丹心

金不換散

治喘嗽久不已鴛粟殼蜜炒五錢枳殼四
錢杏仁甘艸各三錢右剉作二貼入薑三

梅一煎
服得效

人參潤肺丸

治肺虛咳喘日久成勞知母三兩桔梗
桂皮各二兩半人參欵冬花杏仁細辛

甘州各二兩右為末蜜丸芡實
大每一丸細嚼薑湯下入門

胃虛喘

胃虛極則氣上逆擡肩頓肚喘而不休生脉散
加杏仁陳皮白朮服入門。胃喘則身熱而煩

經云胃為氣逆又云犯賊風虛邪者陽受之陽受
之則入六府入六府則身熱不時臥上為喘呼又
云陽明厥則喘而惋惋則惡人或喘而死者或喘
而生者何也厥逆連藏則死連經則生此胃喘宜
加減白虎湯
之類綱目

陰虛喘

血虛則陽無所依附而上奔宜四物湯倍芍藥
加入人參五味子以收之入門。陰虛者氣從臍

下直衝清道而上宜降氣滋陰 醫鑑。陰虛喘宜
降心火補真陰益精血四物湯合二陳湯加枳殼

黃芩知母黃柏入門。陰虛火動痰喘不絕聲者
急則治其標宜玄霜雪梨膏緩則治其本宜滋陰
清化膏回春。凡喘不得臥其脈浮按之虛而澁
者為陰虛去火不遠慎勿下之必死宜四物湯加
竹瀝童便青黛麥門冬五味子枳殼紫蘇葉綱目
○陰虛喘宜寧肺湯潤肺豁痰寧嗽湯人參五味
子散
諸方

寧肺湯

治肺虛咳嗽喘急發熱自汗阿膠一錢半川
芎當歸白芍藥熟地黃白朮五味子麥門冬

人參桑白皮白茯苓甘草各七分

右剉作一貼入薑五煎服諸方

潤肺豁痰寧嗽湯

治陰虛喘急及痰嗽陳皮半夏熟
地黃黃柏知母二味並酒炒各八

分白茯苓七分黃芩酒洗貝母天門冬麥門冬紫

菀酒洗欬冬花酒洗桔梗當歸甘艸各六分右剉

作一貼入薑三

水煎服醫鑒

人參五味子散

治氣血勞傷虛損喘嗽膿血寒熱盜汗人參五味子桔梗白朮白茯苓熟

地黃當歸甘艸各七分地骨皮前胡桑白皮枳殼

黃芪陳皮柴胡各五分右剉作一貼入薑三片水

煎服日

三丹心

諸傷發喘嗽

凡人夜行則喘出於腎淫氣病肺有所墮

肺淫氣傷心渡水跌仆喘出於腎與骨當是之時

勇者氣行則已怯者著而為病也內經○吃酸成

嗽宜甘膽丸食熱致嗽宜葶藶散紫菀茸湯渡

仆致嗽宜杏參散打撲致嗽宜當歸飲方見上

甘膽丸

治吃酸搶喉因成喘嗽不止諸藥無效甘艸

五枚浸三日取出炙乾為細末煉蜜和丸棗豆大

每服四五丸茶清吞下臥服神效曾有人患此

病諸藥不效用

此藥服愈聖惠

葶藶散

治過食煎炒及酒以致喘急不得臥及治肺癰甜葶藶子炒瓜蒌仁薏苡仁桑白皮升麻

葛根桔梗各一錢甘州五分右

剉作一貼薑三水煎服入門

紫菀茸湯

治過食煎煇邪熱傷肺咳嗽咽痒痰多喘急脇痛紫菀茸經霜桑葉欬冬花百合杏

仁阿膠珠貝母蒲黃炒半夏各一錢犀角人參

甘州各五分右剉作一貼薑五水煎服丹心

杏參散

治墜墮驚恐渡水跌仆喘急不安杏仁人參大腹皮陳皮檳榔白朮訶子半夏桂心紫菀

桑白皮紫蘇葉甘州各七分右

剉作一貼薑三水煎服入門

喘嗽通治藥

宜杏參散含膏丸定喘化痰散杏膠飲雞鳴丸二方

杏參散

通治咳嗽喘急杏仁人參桑白皮桃仁各一錢半右剉作一貼薑三棗二煎服局方

含膏丸

通治喘嗽葶藶子一兩隔紙熬令黑知母貝母各一兩右同為末以棗肉半兩別消砂糖

東坡醫局監製

卷一

一兩半和勻為丸如彈子大新綿裹本丸每服一丸
含之徐徐嚥津甚者不過三丸效本丸

定喘化痰散

治喘至妙定喘化痰涎猪蹄甲四十九箇
淨洗控乾每甲納半夏白礬各一字入

罐內封閉勿令烟出火煨通赤放冷細研
入麝香一錢以糯米飲調下一錢本州

杏膠飲

治十六般哮喘杏仁明膠各一兩馬兜鈴半
夏製人參甘艸各五錢右細末每二錢水一

盞薑三片煎至七分臨臥服。心嗽加乾葛。肝

嗽加烏梅一箇大米十四粒。脾嗽入薑三片棗

二枚。胃嗽入蛤蚧煎。膽嗽加茯神茶清調下

。肺嗽入桑白皮煎。膈嗽薑汁調嚥下。勞嗽

人秦凡煎。冷嗽入蔥白三寸煎。血嗽入當歸

棗子煎。暴嗽入烏梅生薑煎。產嗽入甘艸三

寸黃蠟少許煎。氣嗽入青皮煎。熱嗽蜜一匙

蔥白煎。哮喘入半夏三枚煎。腎嗽入黃芪白

砂糖煎服

自效本事

雞鳴丸

治十八般咳嗽哮喘喘吐血諸證如神知母炒

四兩旋覆花陳皮馬兜鈴麻黃甘艸炙各一兩桔梗人參各五錢阿膠珠欬冬花五味子各四錢杏仁葶藶子炒半夏製各三錢右為末蜜丸彈子大每一丸烏梅薑棗煎湯嚼下日三〇十八般者肝咳心咳脾咳肺咳腎咳胃咳小腸咳大腸咳膽咳膀胱咳三焦咳內因咳外因咳不內外因咳氣咳寒咳熱咳暴咳也回春

雞鳴丸

通治喘嗽知母酒炒貝母炒陳皮去白桑白皮蜜炒欬冬花旋覆花天門冬麥門冬人參

葶藶子炒桔梗杏仁欬炒半夏薑製阿膠珠甘艸各等分右為末蜜丸彈子大以烏梅湯或薑湯化下一丸仲景

喘嗽宜辨寒熱

因風者遇風則嗽甚因寒者值寒則嗽劇因熱者遇熱則嗽即發更有一驗甚

的但問遇夜飲酒夜間如何若喫酒後嗽甚則有熱也喫酒了嗽減則有寒也涎清白者有寒也黃

濁者有熱也
旬方

喘嗽宜分虛實

治法最要分肺虛實若肺虛久嗽宜五
味子款冬花紫菀馬兜鈴之類補之若

肺實有火邪或新嗽宜黃芩天花粉桑白皮葶藶
子之類瀉之正傳○久病氣虛而喘宜阿膠人參

五味子新病氣實而喘宜桑白皮苦葶藶丹心○

肺之生病嗽喘大抵秋冬則實春夏則虛若實則

面赤飲水身熱痰盛涕唾稠粘或咽乾面腫若虛

則面白脫色氣少不語喉中有聲痰唾清利○肺

感微寒八九月間肺氣大旺病嗽同春

者病必實非久病也宜瀉之錢乙

喘嗽聲嘶

喘嗽聲嘶乃血虛受熱青黛蛤粉為末蜜丸
常常噙化丹心○宜用芩連四物湯詳見聲

音門

喘嗽上氣出於腎虛

夫腎虛為病不能納諸氣以歸元
故氣逆而上咳嗽痰盛或喘或脹

髓虛多唾足冷骨痿胃腹百骸俱為之牽掣其嗽
 愈重其聲愈乾君子當於受病之處圖之可也○
 抑猶有說焉肺出氣也腎納氣也肺為氣之主腎
 為氣之藏凡咳嗽暴重動引百骸自覺氣從臍下
 逆奔而上此腎虛不能收氣也當以補骨脂安腎
 丸方見虛勞主之母徒從事於寧肺直指○下元
 虛冷腎氣不得歸元上喘氣急宜安腎丸八味丸
 二方並見虛勞人參湯吞下空心得效○咳嗽煩冤者腎
 氣之逆也內經

喘嗽劫藥

諸喘不止椒目極細末每一二錢薑湯調服
 止之止後因痰治痰因火治火虛弱者勿用

丹心

○諸喘劫藥蘿蔔子蒸熟一兩皂角燒灰三
 錢右為末薑汁加蜜丸服丹心○治嗽劫藥五味

子五錢甘艸二錢半五倍子區○治嗽劫藥引商子

硝各一錢末蜜丸噙化丹心○治嗽劫藥引商子

喘嗽熏藥

久喘嗽非此不除南星款冬花鵝管石
 代乳佛耳艸雄黃等分為末拌艾以生薑一片

哮喘

留舌上式用艾燒之須令烟入喉中一方無佛耳
 艸有鬱金丹心。久咳夜咳冬咳風入肺竅者宜
 熏之入門。久嗽風入肺鵝管石雄黃鬱金各
 錢欵冬花三錢為末每取二錢拌艾捲作筒于
 烟吸入口中溫茶常呷下以門。疑冬花如雞子
 大蜜拌潤之用有紫瓦餅中燒藥卻以餅紫當口
 吸烟嚙之甚效綱目。無欵冬花則
 用紫苑茸如上法熏之亦佳俗方
 哮喘以聲響言喘以氣息言。哮喘即痰喘甚而常發
 者入門。哮喘者肺竅中有痰氣也回春。治喘
 專主乎痰宜吐法吐藥中多用醋不可用涼藥必
 帶表散此寒包熱也必須薄滋味丹心。哮喘遇
 冷則發者有二證一者屬中外皆寒宜東垣參蘇
 溫肺湯方見上二者屬寒包熱宜越婢加半夏湯
 等發表之劑方見下或隱於八九月未寒之時用
 承氣湯方見寒門下其熱至冬寒時無熱可包自
 不發作綱目。一少年病哮喘十月則發一遍正當
 九月十月之交此疾不得汗泄宜溫散麻黃黃芩

每匙用一錢半為細末入薑汁水煎臨臥時服之

與少胃丹方見痰門十二丸津嚥下丹心喘促

喉中如水雞響者謂之哮喘氣促而連續不能以息

者謂之喘正傳哮喘病氣實者用紫金丹二十丸

吐去其痰虛者止服二三丸則不吐臨發時用此

劫之丹溪方去豆豉妙水哮喘者因幼時水蓋

於肺為痰宜金沸州散方見上小青龍湯方見寒

門或葶棗散風痰哮喘者千縉導痰湯方見上

欲斷根者宜服定喘湯黃芩利膈丸方見痰門

遇厚味發者清金丸久不得睡者兜鈴丸入門

哮喘宜用奪命丹立定散解表

二陳湯五虎二陳湯三白丸諸方

紫金丹

治哮喘不得臥須三年後者可服信砒末一錢淡豆豉搗爛一兩精猪肉細切四兩三味

拌和分作三分用紙筋泥包裹烘令泥乾卻用炭

火煨青烟出盡為度放地上一宿出火毒取為末

湯浸蒸餅和丸菜豆大食後冷茶清下大

十丸小兒七丸忌一應鹹物湯水之類入門

紫金丹

凡遇天氣欲作雨便發齁喘甚至坐臥不得
 飲食不進此乃肺竅中積有冷痰乘天陰寒
 氣從背口鼻而入則肺脹作聲此病有苦至終身
 者亦有子母相傳者每發即服不過七八次覺痰
 腥臭吐出白色是絕其根本也白朮一錢生用枯
 白礬三錢別研淡豆豉一兩水潤去皮蒸研如泥
 右末合和搥作丸如棗豆大冷茶送下七丸甚者
 九丸以不喘為愈不必多服久久服之奏效必矣
 回春

定喘湯

歌曰諸病原來有藥方惟愁齁喘最難當
 黃桑杏尋蘇子白果冬花更又良甘艸黃芩
 同半夏水煮百沸不須薑病人遇此仙丹藥服後
 方知定喘湯○治哮喘神方麻黃三錢杏仁一錢
 半片芩半夏桑白皮蘇子欵冬花甘艸各一錢白
 果即銀杏二十一箇去殼碎炒黃色右剉作一匙
 水煎服不
 拘時回春

清金丸

治哮喘遇厚味發者蘿蔔子淘洗蒸熟晒乾為末一兩皂角燒存性為末三錢右朱薑汁

浸蒸餅和丸如蘿蔔子大每取二四十九丸淡薑湯吞下入門一名清金丹丹心

兜鈴丸

治齶胎喘促不得臥馬兜鈴杏仁蟬退各一兩信砒煨三錢右為末麩肉和丸葵子大臨

臥以冷蔥茶清送

下六七丸入門

奪命丹

治齶胎喘嗽上氣信砒一錢白礬二錢白附子三錢天南星四錢半夏五錢右先將信砒

白礬於石器內火煨紅出火黃色為度切不可犯

鐵器卻入餘藥末和勻薑汁麩糊和丸如黍米大

朱砂為衣每服七丸小兒三丸井水吞下忌食熱

毒物。此方治痰喘劫劑也病安之後即用知母

茯苓湯人參五味散寧

肺湯以補虛可也丹心

立定散

治哮喘祕方大皂角一箇劈開去干人巴豆肉鐵線札緊炙焦黃色末每一錢用半夏杏

仁各一錢香油煮黃俱為細末每柿餅一貼入一錢細嚼服之溫水送下醫鑿

解表二陳湯

治哮喘二陳湯方見痰門一貼加紫蘇

五分右薑三煎服醫鑿

五虎二陳湯

治哮喘喘急痰盛石膏二錢麻黃杏仁

卅五分木香沈香各五分水磨取汁右剉作一貼入薑三蔥二蜜少許水煎後入二香汁調和服醫鑿

三白丸

治吼氣大白半夏一兩生用白砒白礬雄黃

內焙乾取出搗爛再炒成砂同前藥為末薑汁麩糊和丸粟米大桑白皮湯吞下十九回春一名

雄黃丸

丁三方

肺脹證

咳而上氣煩躁者為肺脹欲作風水發汗即愈咳而上氣此為肺脹其人喘目如脫狀脈浮

大者越婢加半夏湯主之。肺脹咳而上氣煩躁而喘脉浮者心下有木氣小青龍湯方見寒門加

石膏主之仲景。肺脹主收斂用訶子青黛杏仁佐以海粉便香附瓜蒌仁半夏麴薑汁與蜜調和

作丸噲化。肺脹而嗽或左或右不得眠此痰挾瘀血碍氣而病宜養血以流動乎氣降火疎肝以

清痰四物湯加桃仁訶子青皮竹瀝之類丹。肺脹痰嗽睡不安宜清化丸方見上

越婢湯

石膏四錢麻黃二錢甘艸一錢右剉作一貼入生薑五片大棗二枚加半夏二錢右剉水

煎服之

肺痿證

熱在上焦者因咳為肺痿肺痿之病從何得之師曰或從汗出或從嘔吐或從消渴小便利數

或從便秘難又被快藥下利重亾津液改得之。肺痿吐涎沫而咳者宜生薑甘艸湯。肺痿吐涎沫

而不咳者其人不渴必遺尿小便數所以然者以上虛不能制下故也此為肺中冷必眩多吐涎甘

州乾薑湯以溫之仲景。肺痿咳唾咽燥欲飲水者自愈自張口者短氣也脈經。寸口之脈數其人

咳口中反有濁唾涎沫者此為肺痿之病若口中

辟辟燥咳胃中隱隱痛脈反滑數此為肺癰仲景

○肺痿之證寒熱往來自汗咳唾口中涎多知母

茯苓湯主之火盛者人參平肺散主之或為丸含

化喘急面浮者葶藶散方見上大槩養肺養氣養

血清金降火入門。肺痿將變為癰宜紫苑散海

名曰肺痿熱在上焦故也宜門冬清肺飲人參養

肺湯劫勞散噲不妄。化仙方諸方

生薑甘州湯

治肺痿咳吐涎沫生薑五錢人參二錢
甘州炙甘草二錢大棗五枚右剉作一貼木

煎服日

二仲景

甘州乾薑湯

治肺痿吐涎沫而不咳甘州炙甘草四錢乾
薑炮二錢右剉作一貼木煎服仲景

知母茯苓湯

治肺痿喘嗽寒熱往來自汗知母赤茯苓黃芩各一錢人參半夏製各七分五

味子欬冬花桔梗麥門冬柴胡各五分白朮甘艸各六分川芎阿膠珠各四分薄荷三分右剉作一

貼水煎服入門

人參平肺散

治心火刑肺傳為肺痿咳嗽喘嘔痰涎壅盛寒熱盜汗桑白皮二錢知母人參

地骨皮甘艸炙各一錢天門冬赤茯苓各八分陳皮青皮各五分五味子二十粒右剉作一貼薑三

水煎服東垣

紫苑散

治肺痿咳嗽唾膿血欲變成癰紫苑知母貝母各一錢半人參桔梗赤茯苓各一錢阿膠珠

甘艸各五分五味子三十粒右剉作一貼薑三水煎服入門

門冬清肺飲

治肺胃虛弱氣促氣喘或吐唾血將成肺痿證紫苑茸二錢黃芪白芍藥甘艸

各一錢半人參麥門冬各一錢當歸身六分
五味子十五粒右剉作一貼水煎服東垣

人參養肺湯

治肺痿證咳嗽有痰午後熱并聲颯者
柴胡二錢桑白皮一錢赤茯苓五味子

貝母杏仁枳實桔梗各七分人參阿膠珠甘州
各五分右剉作一貼薑三棗二水煎服丹心

劫勞散

治心腎俱虛勞嗽二三聲無痰遇夜發熱熱
過即冷時有盜汗四肢倦怠飲食減少體劣

黃瘦此藥能治微嗽唾中有紅線名曰肺
痿若不治便成羸劣之疾也方見虛勞

嚙化仙方

治痰盛咳喘吐膿血名曰肺痿甜梨汁庄
蘿蔔汁庄薑汁白砂糖欬冬花桔梗紫苑

各二兩五味子一兩右共熬去滓成膏入人
參末一兩和丸彈子大臨臥嚙化丸四春

咳逆證

咳逆一日吃逆乃氣病也氣自臍下直衝上出
於口而作聲之名也內經曰諸逆衝上皆屬於

火古方悉以胃弱言之而不及火且以丁香柿蒂
竹茹陳皮等劑治之未審孰為降火孰為補虛人

之陰氣依胃爲養胃土損傷則木來侮之矣陰爲
火所乘不得內守木挾相火乘之故直衝清道而
上言胃弱者陰弱也虛之甚也丹心○孫真人云
咳逆遍尋方論無此名稱蓋咳逆者臟逆之名古
人以咳逆爲噦耳大抵咳逆者卽內經所謂病甚
者其聲噦是也院者今人所謂乾嘔是也類聚○
咳逆者氣逆上衝而作聲也俗謂之飢逆是也其
發也或三五聲而止或七八聲而止或有連續不
絕收氣不回者或有病久脾胃衰敗而發咳逆額
上出汗連聲不絕者最爲惡候乃不治之證也醫
咳逆與噦爲一噦病成無已許學士謂之吃逆是也或
爲咳逆何也答曰靈樞經云噦以艸刺鼻令嚏噎
而已無息而疾迎引之立已大驚之亦可已詳此
三法正是治吃逆之法今人用紙捻刺鼻使嚏噎
則吃逆立止或閉口鼻氣使之無息亦立已或作
冤盜賊大驚駭之亦已此以噦爲咳逆爲得經旨
也謂之噦者吃聲之重也謂之吃者噦聲之輕也

咳逆與噦爲一

噦病成無已許學士謂之吃逆是也或曰東垣海藏以噦爲乾嘔陳無擇又以

爲咳逆何也答曰靈樞經云噦以艸刺鼻令嚏噎而已無息而疾迎引之立已大驚之亦可已詳此三法正是治吃逆之法今人用紙捻刺鼻使嚏噎則吃逆立止或閉口鼻氣使之無息亦立已或作冤盜賊大驚駭之亦已此以噦爲咳逆爲得經旨也謂之噦者吃聲之重也謂之吃者噦聲之輕也

皆因病聲之輕重而名之也

綱目

○咳逆古人謂之餽是也

仲景

咳逆治法

咳逆當分有餘不足不足者因內傷及大病後發其證胃弱面青肢冷便軟○有餘者因

外感胃燥及大怒大飽而發其證面紅體熱便閉

入門

○凡吐利後多作噦此由胃中虛膈上熱故

噦或至八九聲相通收氣不回至於驚人者若傷

寒及久病得此甚惡三因○咳逆陰證胃寒脈細

或吐下虛極宜橘皮乾薑湯橘皮半夏生薑湯丁

香柿蒂散羌活附子湯或三香散○咳逆陽證發

熱口苦胃滿脈數宜小柴胡湯方見寒門加橘皮

竹茹或橘皮竹茹湯半夏生薑湯活人○傷寒熱

病陽明內實失下而發噦者宜調胃承氣湯大柴

胡湯○咳逆者火熱奔急上行而肺陰不納何其

當哉故便秘者大承氣湯下之便軟者瀉心湯主

之四方○易老見寒○又有雜病咳逆五條詳見于下

痢後咳逆

痢後咳逆

頻脈自止○胃氣不足不能接續

而噦作者宜補中益氣湯方見內傷加竹茹生薑
炮附子一片煎服。氣從臍下逆上夜分轉甚者
四物湯加黃栢知母陳皮竹茹生薑入門。凡咳
逆多發於痢後由中氣虛甚也補中益氣湯調中
益氣湯方見內傷
多用甚佳入門

食塞咳逆

飲食填塞胃中或食物太甚噎而不下發
為咳逆宜二陳湯加枳殼縮砂紫蘇葉或

三香散

入門。帝曰人之噦者何氣使然岐伯曰

穀入于胃胃氣上注于肺今有故寒氣與新穀氣
俱還入于胃新故相亂真邪相攻氣并相逆復出
于胃故為噦靈樞。宜服藥且取嚏以通之入門

痰閉咳逆

痰閉於上火動於下無別證忽然發噦從
胃中起者宜用二陳湯加芥連桔梗梔子

薑汁炒煎服或人參蘆煎湯服而吐之則愈蓋參
蘆瀉肺肺衰氣降而火土復位矣入門。痰挾氣

虛發噦宜六君

子湯方見痰門

正傳

水結咳逆

胃中虛冷不能食者飲水則噦仲景或飲水太過成水結胃而發噦宜小陷胃湯

或小青龍湯去麻黃加炮附子煎服三方並見寒○飲水過多而吃逆者別無惡候五苓散主之方

見寒門

過笑咳逆

笑噦食噦皆屬有餘之證以紙燃之探鼻取嚏或久閉氣可止綱目

咳逆易治難治證

噦聲頻密相連者為實可治若半時噦一聲者為虛難治多痰死在朝夕

○咳逆至七八聲相連收氣不回者難治綱目

橘皮乾薑湯

治胃寒咳逆橘皮二錢人參一錢半通艸乾薑桂心甘艸炙各一錢右到作一

貼水煎

服活人

橘皮半夏生薑湯

治同土陳皮半夏各二錢乾生薑人參通艸各一錢右到作一貼水

煎服之
正傳

丁香柿蒂散

治大病後胃中虛寒咳逆丁香柿蒂人參白茯苓橘皮良薑半夏製各五錢甘

艸二錢半生薑七錢半右為麤末每三錢水煎乘熱頓服或調蘇合香丸服之尤妙一方七味各一

錢甘艸半錢剉煎服亦可
綱目一名溫中散 醫鑒

羌活附子湯

治同上羌活附子炮苧香炒乾薑炮木香丁香各一錢右剉作一貼入鹽一撮

同煎服
醫鑒

三香散

治胃冷咳逆沉香白豆蔻紫蘇葉各等分右為末每一錢以柿蒂煎湯調下 入門

橘皮竹茹湯

治胃虛膈熱而咳逆橘皮三錢人參二錢青竹茹四錢甘艸一錢右剉作一貼

入薑五棗二水煎服加白朮枳殼尤妙。一名陳皮竹茹湯 入門

半夏生薑湯

治穢欲咳半夏製五錢生薑切一兩右
剉入青竹茹雞子大水煎服 活人

名鮮陳
湯 醫鑒

取嚏法

一人患傷寒將愈忽患咳逆百藥無效遂用皂
角末吹鼻得嚏而止少時又吃又吹又止凡百

餘次自是漸疎二三日而止此
合靈樞艸刺鼻嚏之法同 綱目

齁法

咳逆久不止服藥無效宜
用齁法炙法治之 活人

硫黃齁法

硫黃乳香各二錢以酒煎之急
令患人當鼻下嗅其氣 活人

雄黃齁法

雄黃二錢酒一盞煎至七分急
令患人嗅其熱氣即止 活人

一方

治咳逆久不止將乳香紙捲
作筒燒烟熏鼻中吸之 回春

禁忌法

凡火嗽忌用人參半夏陳皮等燥藥 入門
氣嗽忌用鷲粟殼肉豆蔻等滋藥 入門
凡咳

嗽口乾咽燥有痰者不可用南星半夏宜用瓜蒌
仁貝母若飲水者又不宜瓜蒌恐泥隔不鬆快耳
丹心

嗽喘咳逆不治證

咳而羸瘦脉堅大者死○咳而脫形
發熱脉小堅急者死○靈樞○凡咳嗽

至肺脹有咽瘡失音者必死○入門○脉數有熱喘

咳吐血上氣不得臥者死○上氣面浮腫肩息脉

浮大不治又加脹尤甚○正傳○咳嗽肺脹鬱遏不

得眠者難治○丹心○凡喘煩躁無脉身冷神昏者

死○仲景○髮汗如油汗出如珠不流擡肩擗吐喘

而不休○胃前高起手足厥冷脉散及數者皆死

入門○汗出髮潤喘者為肺絕○身汗如油喘者

為命絕○直視譫語喘滿者不治○諸有篤病正

氣欲絕之時邪氣盛行多壅逆而為喘然則喘之

危惡又安可以尋常目之直指○久嗽不止成勞

或聲啞或喉生瘡者不治○同春○凡咳逆小便閉

澁或腹滿者不治脉見沈微散者死○仲景○瀉痢

後咳逆及傷寒結胃發黃而咳逆俱難治。傷寒及久病得咳逆俱為惡候服藥不效則宜灸之。必差灸而不差則必不救矣。

凡二十三種有人

單方

參胡桃湯參桃湯

人參

主肺虛氣短氣促咳嗽喘急人參膏。治氣虛喘人參獨參湯。方見上。皆有奇效。

參一寸胡桃二箇去殼不去皮右剉入薑五水煎服。名人參胡桃湯一名參桃湯。蓋人參定喘帶皮。

胡桃欬肺也。直指。肺虛合用人參如初感風寒邪盛及久嗽鬱熱不可用反增喘滿嗽劇宜以沙

代之。參或玄參。丹心。

五味子

主咳嗽上氣身熱。五味收肺氣乃火熱必用之藥。東垣。人參五味子麥門冬治肺虛。

自汗或少氣而喘蓋聖藥也。久嗽必用五

味子東垣之法然驟用之恐閉住其邪必先發散。

之或兼用
可也 丹心

生薑

主咳嗽上氣。生與乾並治。嗽。本艸。治嗽多。用生薑以其辛能發散也。正傳。咳嗽喘急。生

薑一升半。砂糖五兩。同煎減半。常服之。千金。久患咳逆。生薑汁半合。蜜一匙。煎令熟溫。分三服。本

瓜蒌實

治痰嗽利膈。取實肥大者。割開取子。淨洗。槌破瓜。細切焙乾。半夏四十九枚。湯洗十遍。

切焙為末。用洗瓜蒌水并子。瓢同熬成膏。研細為丸。梧子大。薑湯下二十丸。本艸。瓜蒌子甘能補

肺潤能降氣。宜為治嗽要藥也。丹心。

半夏

治痰嗽上氣及形寒飲冷傷肺而咳。半夏製生薑切各半兩。煎服即效。易老。

葶藶子

主肺氣壅上氣喘促。或面浮取子。炒黃色為末。二錢。棗湯調下。得效。

苧麻根

治哮喘。取根和砂糖爛煮。時時細嚼。嚥下。永絕病根。神效。正傳。

本草綱目卷之五十五

下二

馬兜鈴

主咳嗽喘促氣急坐息不得兜鈴二兩去殼只取裏面子童便拌炒甘艸炙一兩右為末

每一錢水煎溫呷或余味嚙汁亦得
○馬兜鈴去肺熱補肺也 正傳

桑白皮

治肺氣喘滿咳嗽或吐血桑皮四兩泔浸三宿剉細糯米一兩焙乾右同為末米飲調下

一二錢 本艸 ○桑白皮瀉肺氣然性不純良用之者當戒葢以出土者有毒故也 丹心

皂莢

主咳嗽上氣唾濁坐不得臥酥炙為末蜜丸梧子大棗湯吞下三丸日三 湯液

鯉魚肉

主咳嗽燒為灰糯米飲調下一二錢或取肉作膾以薑醋食之亦佳 本艸

橘皮

治咳嗽上氣橘紅四兩甘艸炙一兩為末每三錢白湯點服日三。又治吃逆橘皮一兩濃煎

乘熱頓服 本艸

胡桃

治痰喘能欬肺取胡桃三箇去殼不去皮與生薑三片臨臥細嚼以溫湯呷下得效

杏仁

主咳嗽上氣喘促及哮喘杏仁一兩去皮火童便浸半月每日一換尿取出研取每服一棗子

大薄荷葉蜜水少許煎服二劑永差綱目○又治

老人久喘嗽杏仁胡桃仁等分蜜丸彈子大薑湯

嚼下同春○杏仁散肺氣風熱然性實有熱因於

寒者為宜丹心○童便浸杏仁取其利肺氣潤劑

也綱目

梨

主熱嗽○卒咳嗽梨一顆刺作五十孔每孔納胡椒一粒麪暴煨熟停冷去椒食之本冊○咳嗽

若取雪梨去心納蜜

蒸熟停冷食之入門

紫蘇子

治肺氣喘急咳嗽蘇子水搗取汁和粳米煮粥食之和杏仁汁尤佳本冊

鷲粟殼

斂肺止咳喘然乃收功後藥也不可驟用醫○穀氣素壯人久嗽即效粟殼蜜炒為末

每一錢蜜湯

調下得效

雞子

也丹心

治哮喘取十箇略敲損殼不得損膜浸尿缸內經三日臨夜暫煮食之連日服蓋能去風痰故

猪肺

治咳嗽喘急肺痿吐血猪肺一箇洗去血水若病人每歲用杏仁一箇去皮尖將肺以竹簽穿

眼每眼入杏仁一箇麻朮重湯煮熟去杏仁只吃肺即效同春○上氣咳嗽身熱口乾猪肪膏一斤

切碎煮熟入鹽豉調和食之入門

阿膠

本州

治肺虛損極咳嗽唾膿血非阿膠不補○喘甚須用阿膠湯液○阿膠炒為末米飲調服止喘

豨肉

主上氣咳嗽炙為末每二錢溫酒和服日二肺痿上氣氣急豨脂一合煖酒和服本州

猫頭骨

治哮喘不得睡取頭骨燒為灰溫酒調下二錢即止入門

人尿

主咳喘肺痿又止勞渴嗽取溫尿飲
之童子尿尤好又主久嗽失音 本州

鍼灸法

咳嗽有痰宜灸天突肺俞以泄火熱瀉肺氣
○咳嗽上氣多唾冷痰灸肺俞五十壯又灸

兩乳下黑白肉際各百壯○咳嗽聲破喉嘶灸天
突五十壯得效○久患喘嗽夜不得臥夏月亦不

袂溫背心是膏肓病也灸之而愈 資生○久嗽宜
灸膏肓次灸肺俞 資生○喘急灸肺俞十一壯天

突七壯得效○傷寒咳甚灸天突即差 資生○遠
年咳嗽多直骨穴即愈如不愈其病不可治矣艾

炷如小豆大灸三壯男左女右 醫鑒○哮喘灸肺
俞又取天突膻中璇璣膻府乳根氣海 資生○喘

滿痰實如膠取太谿○咳喘不得臥取雲門太淵
綱目○咳嗽寒痰取列缺綱目○氣逆發噦取臑

中中腕肺俞三里行間綱目○吃逆服藥無效灸
中腕膻中必效綱目○吃逆灸關元七壯立

愈綱目○又法乳下一指許正與乳相直骨間陷
中婦人即屈乳頭向下度之乳頭齊處是穴艾炷

卷之五十五

六十四

如小豆大灸三壯男左女右火到肌即差六云其
穴當取乳下骨間動脈處是也得效○咳逆不止

灸乳根五穴即止如神又灸臍下氣海五壯或七
壯亦立止正傳○肺脹痰嗽不得臥但可一邊眠

者可左側者灸右足三陰交可右灸者灸左足三陰交立安丹心

灸膏肓大灸物灸突五壯灸突五壯灸

灸膏肓大灸物灸突五壯灸突五壯灸

灸膏肓大灸物灸突五壯灸突五壯灸

灸膏肓大灸物灸突五壯灸突五壯灸

灸膏肓大灸物灸突五壯灸突五壯灸

訂正東醫寶鑑雜病篇卷之五

本州